

ወዘረት ዐድል እግል ወካይል አቅሊም ግብለት እጅጉመዕ ትወዳ



ሙጅተመዕ ሰዋልፉ እቲ እንዴ ሓፈዘ እት አግማም እግል ልትዐዳ ጅህድ እግል ልግበእ፡ ወዘረት ፎዝዩ ሃሽም እት ዮም 16 ዲሰምበር ምስል ወካይል ሽዑብ



አቅሊም ግብለት እት መዲነት መንደራረ እት ወዴቱ እጅጉመዕ አትፋቀደት። ወዘረት ፎዝዩ ሽዑብን እግል አግማም ልትነፈሶ እቡ ለጸንሐ

ንዛም ቃትን ዐድ አ'ብ እቲ እንዴ ሓፈዘ ወንብሩይ ላቲ እንዴ ሽዝ፡ እብ ዓዳቱ ወሀውዩቱ ለልትሐበን ሙጅተመዕ ክምስል በነ ሐበረት። ሀደፍ ውብረት ዐድል ስርጉል

ከደማት ዐድል ሂበት ክምቱ ለሸርሐት ወዘረት ፎዝዩ፡ እሊ ፈዓሊ እግል ልግበእ እት ክል ድዋራት ልትሸቁ እቡ ለጸንሐ መሰል ሰኒ ላቲ ወራታት ዜረኖት፡ እብ ደረጃት ወጠን እብ ሐቲ ሰለል ክም ልትሸቁ እቡ እግል ልግበእ፡ ሽዑብ እግል ለኣምሩ ወእግል ልጌምሙ እት ክል አቃሊም እጅጉመዕ ክም ገአ ወደሐት። ሙሽተርክት እብ ተረቶም፡ እት ሕሽመት ለትበነ ወእግል አግማም

ልትዋረስ ለጸንሐ ሰዋልፍ፡ ሓላት ጀራይም ወፍንጌር እግሉ እንዴ አቅለለ እብ ገበይ ንዝምት እት ዐቦት እግል ንሄርር ክምስል ሰደ እት ሸርሐ፡ እብ ደረጃት ደገጊት ልትሀዩብ ለጸንሐ ከደማት ዐድል፡ ነዋቅሱ ወመጋድዑ እግል ልጌሞ፡ እት ንዛም ቃትን ለትክተብ ማዳት እግል አርዛቅ ጠቢዐት እብ ፍንቱይ ሀዩ እት ዕጩይ ለለሓፍዝ እግል ልግበእ ትፋነው። እት ደንገብ ሓክም አቅሊም ግብለት አሰይድ ኤፍሬም ገብረክርስቶስ፡ ክሉ ሙጅተመዕ እግል ዓዳቱ ወሀውዩቱ ለለሓምርግ መዋዲት እንዴ ሽዝ፡ ዐቦት፡ ሐዳረት፡ ዓዳት ወሰዋልፍ እግል ለአትቃምት ትወሰ።

እት ርክብ ለትበነ አብያት ሐዲስ ልደሐር

እት ሙዲርዮት ሰልዐ ፍንጡር ለዐለ ደገጊት እግል ልትከምከም እብ አሳሰለ ፈግረ በርናምጅ፡ እት ሽብህ መዲነት ርክብ እብ 10.6 ሚልዮን ነቅፋ 152 አብያት ሰከን ትበነ ወእት ዮም 15 ዲሰምበር ትደሕረ። ሓክም አቅሊም ዐንሰበ አሰይድ ዐሊ መሕመድ እት መናሰበት ለአሰመዐዩ ከሊመት፡ ሽዑብ እት እሊ ሐረ አካን እግል ልትከምከም ወከደማት እጅጉመዕዮት እግል ልርክብ ሐቁ ክምቱ እት ሸርሐ፡ እሊ እብ “መሸርዕ አብያት ግፍቱእ” ለልትአመር ብኩይ ለህለ አብያት፡ ክፋል ናይላ ሕክመት ዐዳለት እጅጉመዕዮት እግል ተአክድ ትወድዩ ለህሌት ካድም ክምቱ ወደሐ። ሙዲር ሙዲርዮት ሰልዐ አሰይድ ወኤለ መሐመድ ዐሊ እብ ተረቱ፡ ለመሸርዕ እብ ሰደይት ሸርከት ተዕዲን ዛራ፡ ሸርከት ብፍእ ሰገን ወእዳረት አቅሊም ዐንሰበ ክምስል ትሰርገለ እት ሸርሐ፡ በርናምጅ መትከምከም

ደገጊት እግል ልትሰርገል ምስል ሽዑብ እብ መትዓዋን እግል ልትሸቁ እሉ ክምቱ ሐበረ። ምን ቅሰም ብንዩት ተሕትዩት እዳረት አቅሊም ዐንሰበ ኢንጂነር ዘርእጋብር ሕድራይ እት ቀደመዩ ተቅሪር፡ እብ ዓመት እግል መሸርዕ 15 ሚልዮን ነቅፋ ሚዛንዮት ክም ፈግረት እሉ እት ሸርሐ፡ እግል ክል ዓይለት 20 እብ 25 ምትር ለራሐኖህ አራዲ ልትሀዩብ እት ህላ፡ እት ወቅት ቅሩብ እብ ሐድ 4.4 ሚልዮን ነቅፋ መሸርዕ ማይ እግል ልትሸቁ እሉም ክምቱ ሐበረ። ምን መትነፈዐት ናይላ መሸርዕ እግል ኤሪን እት ሀበዉ ረአይ፡ ሕክመት እንዴ ትከምከመዉ ደማን ለበ መናበረት እግል ልሳይሮ ለትወድዩ ጅህድ እት ለሐምዶ፡ ለበርናምጅ እብ ከማሉ እግል ልትወድት ታርፍ ለህለ ካድም እብ ሸፋግ እግል ልትመም ለቦምተ ሰእዩት ሸርሐው።



እት ሰነት 2016 እት አቅሊም ቅብለት በሐር ቀዩሕ ለገብአ ወራታት ትቀየመ

እትለ ሰነት እት አቅሊም ቅብለት በሐር ቀዩሕ ለትሰርገለ መሸርዕ ዐማር ዛይደት መሸርከት ሽዑብ ክምስል ዐለት እቲ፡ ስክርቲር ጅብህት ሽዑብዮት እግል ደመቅራዋዮት ወዐዳለት እት አቅሊም አሰይድ ሀይሌ ተወልዴበርሃን

ሸርሐ። አሰይድ ሀይሌ እሊ ለሸርሐ ወራታት ጅብህት እት ሙዲርዮት ነቅፋ እግል ጌማም ምስል ከዋድር ወሽቃለ ጅብህት፡ እት ዮም 14 ወ15 ዲሰምበር እት መዲነት ባጽዕ እት ገአ

ሀደግ ቲ። አሰይድ ሀይሌ እንዴ አትሉ፡ ድድ ዐድነ ለአመመት ጸብኢት ወመንዕ አሳሰ ክምስል አለቡ እት ሸርሐ፡ ወሕደትነ ሀዩ ለዐቡር ርዝቅ ኤረትርዮ እንዴ ገአት፡ እት መትተቅበል ባርህ

ናይ እሊ ዐድ አሳሰ ትሩድ ካርዮት ክም ህሌት ሐበረ። ሽዑብ እብ ሰርገለዩ ኬወ ህዩ ዝያድ 23 ሚልዮን ነቅፋ ለልትዋገም ወራታት ክምስል ትሰርገለ እት ሸርሐ ህዩ፡ እግል ዝያድ ፍገሪት ህዩ ዶር ወመሸርከት

ሽዑብ እግል ለዚድ አትፋቀደ። ሙዲር መዲነት ባጽዕ አሰይድ ኪዳኔ ወልዴሰላሴ እት መናሰበት፡ እት ሙዲርዮት ባጽዕ ሌጠ እት ተዕዲል አራዲ ሐርቤ መትከምከም ደገጊት፡ ረዘቀት ሰንዱቅ እማነት ሽብደ፡ ነዳፈት ድዋር ውበዕድ ወራታት ክምስል ትሰርገለ ሐበረ። ሙሽተርክት ህዩ፡ ግረ እላመ በራምጅ ዐማር እግል ልትሰርገል ዶርም ክም ለዓቡ እት ለአክዶ፡ ለሳድፍ መታክል እግል ባለሐት ጠለባት ሽዑብ በሊስ ሻፍግ እግል ልርክብ ትወሰው። እት ክሉ ሙዲርዮት አቅሊም ቅብለት በሐር ቀዩሕ ሕድ ለሽብህ እጅጉመዕ ክም ገአ፡ ምን መክተብ ጅብህት ሽዑብዮት እግል ደመቅራዋዮት ወዐዳለት ለትርከበት ሐብሬ ተአፍህም።



ሰፊር ጴጥሮስ ጸጋይ ሰፊር መትሐርክ እት ቤላሩስ ገብአ



ሰፊር ደውለት ኤረትሮፕ እት ፈደሬሽን ናብዩ አሰይድ ጴጥሮስ ጸጋይ፡ ሰፊር መትሐርክ ደውለት ኤረትሮፕ እት ቤላሩስ እንዴ ገአ አውራቅ ሸቅሉ እግል ርኢስ አሌክሳንደር ሉካሼንኮ ሰለመ፡

እተ ዲብ ዮም 13 ዲሰምበር ለገአት ዓደት፡ ሰፊር ጴጥሮስ፡ ልእክት ሰላም ወንዮት ሰጅት ርኢስ ኢሰያስ አፍወርቂ እንዴ አብጸሐ፡ ዓም ቴለል ለኸሰስ ተውዴሕ ሐቀለ

ሀብ፡ ዐላቀት ኤረትሮፕ ወቤላሩስ እግል ትጠወር እብ ጀህት ኤረትሮፕ ለህሌት ገዮት አከደ።

ርኢስ ሉካሼንኮ እብ ተረቲ፡ ዐላቀት ዐዱ ምስል ኤረትሮፕ እግል ትደቀብ፡ ዝያድ ህዩ እት ክሉ መጃላት ለረከዘት መዓወነት እግል ተህሌ ለህሌት ገዮት እት ሸርሕ፡ እግል ርኢስ ኢሰያስ አፍወርቂ ዓፍዮት ወእግል ሸዐብ ኤረትሮፕ ህዩ ረህየት ወመትቀዳም 'ተምነ።

አደብሐ፡ ክሎም

ምዳርየት አደብሐ፡ ዲብ እምትሓን ሸሃደት ሳምናይ ፈሰል 2015/2016 ደረሳህ ክሎም ሐሊፎም፡ ጅህድ ወንዮት ደረሰ ወመደርሲን ለለአርኤ ክም ቱ ወእግል ምዳርያት ብዕድ መሰል ሰጅት ክም ተ ትሸርሐ።

እት መዲነት አፍዐበት ዲብ ገብአ መደራእ መዳርሱ፡ መሸርፊን፡ ወመስኡሊን መዳርሱ ለሻረከው ዲቡ ልቃእ፡ እት ምዳርየት አፍዐበት 63 ምእታይት፡ ነቅፈ 81ምእታይት፡ ምዳርየት ቅርረ77 ምእታይት፡ ከምሓለፊዩ፡ ምስል ናይል 3 ሰነት ለሐልፈት ዲብ ልትርኤ ህዩ እብ 6ምእታይት ከም ዐበ ትሸርሐ።

ዲብ ውዛረት ተዐሊም መስኡል ፈርዕ አትመቃርሐት እምትሓን ሸሃደት አሰይድ ክፍሌ መኮነን፡ ዲብ ወክድ እምትሓን ለትረኤ ነዋቅስ እበ ከሰስ ተውድሕ ሐቀ ቀደመ፡ ዲብ መጽእ ወክድ እግል

ደረሳህ ለሐልፎ

ልትሰያሕ አላት ዱሉይ ከም ሀለ ፍህመ።

መስኡል ፈርዕ ውዛረት ተዐሊም አቅሊም ቅብለት በሐር ቀያሕ አሰይድ ረሺድ መሐመድ ዑስማን ህዩ፡ እግል ዝያድ ፍገራት፡ ዕላቀት ጅሃት ተዐሊም፡ መደርሲን ወዋልዴን እግል ትተረድ አትፋቀደ።

እብ ጀህት ብዕደት፡ በቃዐት ደረጃት ተዐሊም እግል ትትኣከድ ዲብ ገብእ ጅህድ ዶር ዋልዴን ወሰብሸርከት እግል ለአተላላ፡ እብ ሰበት ሓለት መድረስት ቦርዲን ጸብረ ህድግ እተ ገብአ ዲብ እጅትማዕ ተሐበረ።

መዳርሱ መድረሰት እስቃዝ ተሰፋ አዲዊ፡ ዲብ ሰነት ድራሰት 2015/2016 ዝያድ 80 ምእታይት ምን ደረሳህ ለትትሐመድ ፍገራት ከም ሰጀለው እንዴ ሐበረ፡ ርክብት ለህሌት ዐውቴ እንዴ ሐፍዝክ ለዐለ ድዕፍ እግል አሰነዮት ልትከደም ክም ሀለ ወድሐ።

ጸማይም እብ ምህናት ክያጠት ወነሲጅ ልትደሐር

መደት ክልኤ ሰነት ወሰር ምህናት ክያጠት ወነሲጅ ለደርሰው 60 ጸማይም እብ ሸሃደት ትደሐረው።

ለምን አስመረ ወክረን እግል መጽአው እብ መዓወነት እትሓድ አርብ መዳርሱ ጸማይም አስመረ ወክረን ለሀቢያሁ ተእሂል፡ ምስል ናይ አካዳሚ ድራሰቶም እንዴ ትመሳነ ለትሰርገላቲ።

ዲብ 16 ዲሰምበር ለገብአት ዓደት መድሐራት መዳር መዳርሱ ጸማይም አስመረ ወክረን እስቃዝ መድሕን ዮውሃንስ ዲብ አስምዐዩ ከሊመት፡ ሀደፍለ ተእሂል ጸማይም ከም ክሉ መዋዋን ዲብለ ትፈናተ

መአሰሳት እንዴ ሸቀው ርሐም እግል ልቀደሮ ወዲብ ዐማር ወጠን ዶሮም እግል ልቀድሞ ለአመመ ክምቱ እንዴ ሐበረ፡ ለደረሰ እብ ፍዕል ወፍክር ለደርሰው ምንማቶም፡ ዲብ መአሰሳት እንዴ ጌሰው ተጃርብ እግል ልክሰሶ ክም ለትሐከኔ አፍሀመ።

ምን መክተብ እትሓድ አርብ ሚስ ኒኮሌ ሚሊር እብ ጀህት፡ ዲብ ተህየበ ተእሂል ለባቱ መትዐጃብ እንዴ ሸርሐት፡ ሸባባት ጸማይም ምህነት እንዴ ከሰበው ርሐም እግል ልቀድሮ ለረክበው በክት፡ መጅተማዕ ዲብ ሂበት በክት ሸቅል እግል ልትሳዴ ምስሎም እንዴ

አትፋቀደት፡ ዲብ ተሌ ተእሂልመ እትሓድ አርብ ከም ልትዓወን ሸርሐት።

ርኢስ ወንጌላይት ሉተራይት ቤት ክስታን ኤረትሮፕ ቀሽ ስምኡን ገብረክስርስቶስ እብ ጀህት፡ አምር ብሰር ምን ክሉ ሰበት ለሐይሱ፡ እንትባህ ወእብ ብሰር ነቢር ኦሮት ምህም ሰበት ቲ፡ ጸማይም እብ ምስክናሆም ሰአየት እንዴ ኢበትት ዲብ እለ ደረጃት እግል ልብጽሐ ምን ቀድረው ዐውቴ ዐባይ ክም ተ ወድሐ።

እት ደንጎበ ህዩ ለደርሰው ለትዳለ እግሎም ሸሃዳት ትከበተው።



መሓደረት ገቢይ አትመቃረሕ ብትሮል

'ታም አይል - ኤረትሮፕ' ምንለ ትፈናተ ድዋራት ወጠን እግል መጽአው ሰብ መአሰሳት ተውዝዕ ፈርያት፡ መራክዝ ተውዝዕ ብትሮል እግል ልተብዑ ለውጅብ አግቡይ እዳረት ወአብሳር ለከሰስ ተእሂል ሀበት።

ዲብ እት 15 ዲሰምበር ዲብ አስመረ ፍንዱቅ አስመረ ፓላስ ለተህየበ ተእሂል፡ መመቅረሓይ ሸቅል ናይ ሊብዩ ሼርከት ፈርያት ብትሮል 'ታም አይል መሀንድስ አሕመድ አልገምበሪ ዲብ አስምዐዩ ከሊመት፡ አግደ ዶሮም አድመዮት ከደማት ጣቀት አፍሪቀ ክም ቱ እንዴ ሸርሐ፡ መትመዳድ ናይል መአሰሰት እብ

ደረጃት ዓለም ለከሰስ ተውድሕ ቀደመ።

መስኡል መራክዝ ተውዝዕ መአሰሰት 'ታም አይል' ዲብ ኤረትሮፕ አሰይድ ስምኡን ወልደገብርኤል ዲብ ወደዩ መሓደራት፡ ብትሮል ለወጅብ አትመቃርሐት ወደሐን ሐቀ ኢትነፍዐን እብ ደማር ከም ሰብ እንዴ ሐበረ፡ ዲብ መትነፋዕ ራትዕ፡ ለለአተግጌዕ ከደማት እግል ዘባይን ወአግቡይ መትከባት ብትሮል፡ አትመቃርሐት መምተለነት፡ ዳፍያት ነድ፡ አግቡይ መትነፋዕ ዜድ መካይን ዲብ ሕፍዘት ድዋር ሸርሐ ሀበ።

"አክላዋ ነኣይሽ እት መሻክል ዐቢ ሰበት ለአብጽሕ፡ እግል ነሽንኩም

ወጅብ" እንዴ ቤለ ዲብ መአሰሰት በዐል መቅደረት ዕልም ድዋር መሀንድስ ነቢ አስመላሽ፡ ብትሮል ወዜድ ምስል ተአሲፋ ዲብ ዓፍዮት ዲብ ሀበዩ መሓደራት፡ አክላዋ ነኣይሽ ነድ ወመሻክል ዓፍዮት እግል ልሰብብ ሰበት ቀድረ፡ ዘባይን ዲብ ሸቅሎም እግል ልትደገጎ ትፋነ።

መሸተርከት እብ ጀህቶም፡ እብ ፍንቲት ዲብ ድዋራት ረዩም ለሳድፎም መሻክል አላት ገለል በሊስ ሻፍግ እግል ልርከብ፡ ምስል ጅንስ ዜድ መካይን ለለአትአምር ተእሂል እግል ልትዝም፡ ወክእነ ለመሰል ተእሂል አተላላይ እግል ለህሌ እግሉ ለልብል ወብዕድ አራእ ቀደመው።



ኤረትሮፕ ጴጥሮስ

ክል አርቡዕ ለትጠ'በዕ ጀሪደት

መዳልያይ፡
መሐመድ እድሪስ መሐመድ
ናይብ መዳልያይ፡
አድም ሳልሕ (አቡሐሪሽ)
ለይ-አውት፡
ፋጥና አደም
ዘህረ ዐሊ
ተለፎን፡ 121797
ፋክስ፡ 127749፡ ዕ.ሰ.ቡ፡ 247
ተውዝዕ ጀሪደት፡
ተለፎን፡ 200454
አትአመሮት፡
ተለፎን፡ 125013፡ ዕ.ሰ.ቡ፡ 1284



1^ይ ክፋል መእተዩ

ቃኑን ውርሱ ሕቁቅ ወዋጅባት ማይት ዲብ ዌርሰቱ ለልዕዔ ቃኑን ቱ። ክእነ ዶል ልትበሀል ላኪን ኩሉ ሕቁቅ ወዋጅባት ማይት ልትወረስ ባህለት ኢኮን። ገሌ ምነ ሕቁቅ ወዋጅባት ምስለ ማይት ለአትካርም ወገሌሁ ህዬ ለአተላሌ። ከ እት ውርስ ለአተላላይ ለቡ ሕቁቅ ወዋጅባት ቱ ልትወረስ። እግል መሰል። ዎሮት በዐል ምህነት ሕክምነ ሰበት ቱ ዲብ ሐቱ ዕያደት ሸቄ ዐለ ከሞተ ኒበል። ዌርሰት እሊ ነፈር ለሁቱ ጸብጣ ዐለ ምህነት ለሀቡቶ'ቱ በክት ሸቅል ዲበ ዕያደት እግል ልውረሶ ኢቀድርኒ። ለምህነቱ ምስሉ ሰበት ትመይት ለአካ'ነ ሸቅሉ እግል ለአውርስ ኢቀድር። ሕድ እበ ሸብህ። ዎሮት መሃንድስ ለዐለ ነፈር እብ ሸቅል ጸብጡ ለዐለ ብነ ኣብያት እንዴ ኢለአተምሙ ምን መይት። ሚልከትለ ልትበኔ ለዐለ ኣብያት። እግል ዌርሰትለ መሀንድስ ለሸቅል እግል ለአትሙሞ እግል ልጥለቦ ምኖም ቃኑን ኢሰምሕ እግሎም።

ዲብ መደንያይ ቃኑን ኤረትርዮ፡ ቃኑን ውርስ እሎም ለተሉ ከፊል ቡ፡ 1) ኩምኩም መምሬሕ ውርሱ፡ 2) ውርስ እብ ፊና፡ 3) ውርስ እምበል ፊና፡ 4) ዐገሎት ውርስ ወ 5) ካፈሎት መምተልካት ውርሱ።

I. ክምኩም መምሬሕ ውርስ

1. ዓረዮት ዲብ ውርስ ለበይእ ወምን ውርስ በረ ላቱ መምተለካት

1.1 አንቡቶት ውርስ
አዳም ዲብ እዲነ እንዴ ህለ ሰበት ኢልትወረሱ፡ ጋሪት ውርስ ምነ አዳም ለሞተ እተ ወቀት ለአንቡት። ሐቀለ ሞት፡ ለማይት ከም ሚርሰት ቡ? ምን እሎም ህዬ ለእግል ልውረሶ ሐቅ ቦም ከም ቶም? ወለሓድጉ ህለ መምተለካት አክል አዩ ቱ? ዴን ሚ ሓድገ፡ ከም ልትአወድ ወአክል ሚ አውድ? ለልብል አስእለት እቱ እንዴ በለስከ ለአንቡት።

መደንያይ ቃኑን ኤረትርዮ፡ ዎሮት ነፈር ለበዝሕ ምን መምተለካቱ ዲበ አግዳ ዳር ሰከኑ ጸንሕ ምነ ልብል መብደእ እንዴ ቀንጽ፡ ጋሪት ውርስ ዲበ አግደ ዳር ሰከን ናይ ማይት እግል ተአንብት በ ልብል። ከእብሊ፡ እግል ውርስ ለትገንሕ ሸክወት ዶል ተሀሌ። ዲበ ዳር ሰከን ናይለ ማይት ለዐለት እቱ ባክ ለህሌት መሕከመት እግል ትግንሐ ቡ። እግል መሰል ለአግዳ ዳር ሰከኑ ዲብ ከረን ላቱ ነፈር፡ እት ባጽዕ ምን መይት፡ ጋሪት ውርሱ እግል ትግንሕ ሰላሕየት ለበ ለዲብ ባጽዕ ለህሌት መሕከትመት እንዴ ኢትገብእ። ለዲበ አግደ ሰከኑ ለዐለ ዲበ መዲነት ህሌት መሕከመት በህለት ለዲብ ከረን ህሌት ተ።

1.2 ዲብ ውርስ ለይአቱ መምተለካት

ክመ እት መእተዩ ለትሸረሐ፡

ቃኑን ውርስ

ቃኑን ውርስ ሕቁቅ ወዋጅባት ማይት ዲብ ዌርሰቱ ለልዕዔ ቃኑን ቱ። ክእነ ዶል ልትበሀል ላኪን ኩሉ ሕቁቅ ወዋጅባት ማይት ልትወረስ ባህለት ኢኮን። ገሌ ምነ ሕቁቅ ወዋጅባት ምስለ ማይት ለአትካርም ወገሌሁ ህዬ ለአተላሌ። ከ እት ውርስ ለአተላላይ ለቡ ሕቁቅ ወዋጅባት ቱ ልትወረስ። እግል መሰል። ዎሮት በዐል ምህነት ሕክምነ ሰበት ቱ ዲብ ሐቱ ዕያደት ሸቄ ዐለ ከሞተ ኒበል። ዌርሰት እሊ ነፈር ለሁቱ ጸብጣ ዐለ ምህነት ለሀቡቶ'ቱ በክት ሸቅል ዲበ ዕያደት እግል ልውረሶ ኢቀድርኒ። ለምህነቱ ምስሉ ሰበት ትመይት ለአካ'ነ ሸቅሉ እግል ለአውርስ ኢቀድር። ሕድ እበ ሸብህ። ዎሮት መሃንድስ ለዐለ ነፈር እብ ሸቅል ጸብጡ ለዐለ ብነ ኣብያት እንዴ ኢለአተምሙ ምን መይት። ሚልከትለ ልትበኔ ለዐለ ኣብያት። እግል ዌርሰትለ መሀንድስ ለሸቅል እግል ለአትሙሞ እግል ልጥለቦ ምኖም ቃኑን ኢሰምሕ እግሎም።

ቃኑን ውርሱ እት ውራሰት ለኢበይእ ሕቁቅ ማይት እንዴ ቤለ ፍሩግ ህለ። እሊ ህዬ ክልኦት ምስል ለማይት ለልአካርም ሕቁቅ ህለው። ህቶም ህዬ፡ ህ) ምን ተእሚናት ሐያት ለልትረኩብ ማል ወ ለ) ምን ጥሮታ ወድየት ለልትረኩብ ማል።

ምን ተእሚናት ሐያት ለልትረኩብ ማል

ማል ተእሚናት ሐያት፡ ዎሮት ነፈር ሐቅ ሞቱ እግል ነፈር ብዕድ እግል ልትሀዩብ እግሉ ምነ በይኦ እትፋቅየት ተእሚናት ለልትርኩብ ማል ቱ። ለማይት ዲበ እትፋቅየቱ ምን ተእሚናት ሐያቱ ለልትረኩብ ማል እግል መን እግል ልትሀዩብ ክም ቡ ስሜት እንዴ ዘክረ እግል ልሕደግ ቀድር። አው ህዬ እግል ዌርሰት ልትሀዩብ እግልዬ ብህል ጋቢእ፡ አውመ እግል መን እግል ልትሀይብ እግሉ ክም ሐዜ እንዴ ኢዘክር እግል ሊሙት ቀድር።

ለማይት፡ ዲበ እትፋቅየት ማል ተእሚናት ሐያቱ እግል መን እግል ልትሀዩብ ክምቡ እንዴ ኢዘክር ሐቅ ሞተ፡ ለማል ዲብ ማል ውርስ ኣቱ ከ ዌርሰት ከም ቅስመቶም ልትካፎሉ። ለማይት ዲበ ምስ ሸሪከት ተእሚናት ዋዲህ ዐለ እትፋቅየት፡ ለማል እግል ፍላን እግል ልትሀዩብ ቡ እንዴ ቤለ ስሜት ዘክር ሐቅ ዐለ ላኪን፡ ለማል ዲብ ውርስ እንደይኣቱ እግል ዲበ እትፋቅየት ለትሰመ ነፈር ልትሀዩብ።

ምን ጥሮተ ወድየት ለልትረኩብ ማል

ማል ጥሮተ፡ ዎሮት ዲብ ሸቅል ሕኩመት ሸቄ ለዐለ ነፈር ምን ሸቅል ዶል ልትሳረሕ ህቱ ወዓይለቱ እብ ኢረኪብ ማል ዲብ ምሽክለት እግል ኢልትካረው ለልትደፊዕ ማል ቱ። ምን ክእነ ለመሰል ማል እግል ለአስተፊዶ ለወጅቦም አንፋር ዲብ አዋጅ ጥሮተ ፍሩጋም (እሙራም) ቶም። ከእብሊ፡ ምነ እብ አዋጅ ጥሮተ ሐቅም ለትዐቀበ አንፋር ወኪን፡ ዌርሳይ ኣነ እንዴ ቤለ ምን ማል ጥሮተ እግል ልንሰእ ለተልብ ነፈር ሐቅ አለቡ። እተ ክምሰልህ፡ ኣነ ዌርሳይ ናይለ ማል ጥሮተ ልትከበት ለዐለ ነፈር ኣነ እንዴ ቤለ ማል ለግልብ ነፈር ሐቅ አለቡ። እግል መሰል፡ ፋጥነ ማል ጥሮተ ናይ ለትወፋ ብእስ ትትከበት እንዴ ዐለት ሞተት ምን ገብእ፡ ሐቅ ወፋት ፋጥነ ዌርሰተ ሰበት ሰበት ሕነ ለህተ ትትከበቱ ዐለት ማል ጥሮተ እግል ንንሰእ ብነ ለልብሎ ጀሃት ሐቅ አለቦም። ሰበቡ ህዬ፡ ማል ጥሮተ እግል እሙራም ለልትሀዩብ ደኦም ለልትወረስ ማል ኢኮን።

እብ ብዕድ እንክር፡ ዎሮት ነፈር ሐቅ ሞቱ እግል ልትደፊዕ ለቡ እትፋቅየት ድየት ሓድግ ምን ገቢእ፡ እሊ ማል እሊ ዲብ ውርስ ኢበይእ። ዎሮት ነፈር እት ብቅት ለካሬ ሸቅል ሸቄ ዐለ ኒበል። እሊ ነፈር እሊ ለሸቅሉ ብቅት ለሰብ በበት ቱ። ምስለ ተአሸቅዩ ሸሪከት እብ ሰበት ብቅት ሸቅል ሐቅ ሞተ ለትትደፊዕ ድየት እትፋቅየት በይእ። ዲበ እትፋቅየቱ እለ ድየት እለ እግል መን እግል ትትሀዩብ እግሉ ከም ሐዜ ስሜት እንዴ ዘክረ እስኡል ምን ገብእ፡ ሐቅ ሞቱ ለማል ለድየት ዲብ ውርስ ኢበይእ። እግል ስሜቶም ዝክርት ለህሌት አንፋር ሌጠ ልትሀዩብ። እግል መሰል፡ ኣሕመድ ዲብ ሐቱ ናይ ተዕዲን ሸሪከት ሰበት ሸቄ፡ ምስለ ሸሪከት እብ ብቅት ሸቅል ሐቅ ሞተ ለትደፊዕ ድየት እተ እትፋቅ ዐለ። ዲበ እትፋቅየቱ ህዬ፡ “ለድየት እግል ምን ንእሼ ለዓቤተኒ ዐመቼ ፍላነት ትትሀዩብ እግልዬ” እንዴ ቤለ ስሜት ሐቅ ዘክረ። ሐቅ ሞቱ፡ ዌርሰቱ፡ “ዌርሰት ሰበት ሕነ ማል ለድየት እግልነ ለአስትህል ምን ልብሎ፡ ቃኑን ሐቅ ኢህይቦም። እተ ክምሰልህ፡ ማል ድየት እት ውርስ ሰበት ኢልትሐሰብ። ለዐመቱ (ዐመት ኣሕመድ) እግል ማል እንዴ ኢትትከበት ምን ትመይት ዌርሰተ እግል ልትጣለቦ እቡ ኢቀድር።

ምን ክእነ ለትመሰል እትፋቅየት

በ'ረ ለተ ጋሪት እተ፡ ዎሮት ነፈር እብ ብቅት ምን መይት፡ ለሞት ለአምጸአት ብቅት ለሰበበት ጀሀት፡ ድየት እግል ትድፋዕ ቡ። ለክእነ ትመሰል ድየት፡ እግል ውላድ ለማይት፡ እግል እሲቱ ወዋልዴት ተአስትህል። ብዕዳም አንፋር “ዌርሰት ሕነ” እበ ትብል ምን ማል ለድየት ምን ጣልቦ ቃኑን ውርስ ኢህይቦም። ሰበቡ ህዬ ማል ድየት ዲብ ማል ውርስ ሰበት ኢልትሐሰብ።

2. ሸሩጥ ዌርሳይ

ቃኑን ውርስ ኤረትርዮ፡ እት መብደእ መሳዋት መዋጥኒን ለትበነ ሰበት ቱ። እት ሕቁቅ ውርሱ፡ እት ፍንጌ እብ ዐቅድ ሐሳል ለትወለደ፡ ምን ዐቅድ በረ ለወለደ ወእብ ጽኢር ለመጽእ ውላድ ኢፈናቱኒ። እተ ከምሰልህ፡ ጅንሱ፡ ዕምር ወሃውየት (ጅንሰየት ወጠን) ናይ ዌርሳይ እት ውርስ ተእሲር ከም አለቡ ቃኑን ውርስ አክድ።

ምናተ፡ ቃኑን ውርስ እት መብደእ መሳዋት ለትበነ ወፈናታይ ለኢሰምሕ ምንግ ቱ፡ ዎሮት ነፈር ዌርሳይ እግል ልግበእ እግል ለአውፍዩ ለቡ ክልኤ ሸርጥ ካሪቱ። ዎሮት ነፈር ዌርሳይ እግል ልግበእ ሰልፍ፡ ዲበ ለልትወረስ ነፈር ለሞተ እተ ዶል ለ ዌርሳይ እት ሐያት እግል ልጽነሕ ቡ። ወካልእ ህዬ፡ ለዌርሳይ እግል ውርስ ለበቅዕ እግል ልግበእ ቡ።

ዋልዳዩ ዲበ ሞተ እቱ ወክድ እት ድርጽ እሙ ለተርፍ ጅናመ ናይ ውርሕ ሐቁ ሕፋዝ እግሉ ቱ። ምናተ እግል ልውረስ ሐቅ ገብኦ ለዲብ ኩብድ ተርፈ ጅነ እብ ርሐ እንዴ ትወለደ እግል 48 ሰዖታት እት ሐያት እግል ልጽናሕ ቡ።

እት ረኣሰ እሊ ለትዘከረ ሸሩጣት፡ ዎሮት ነፈር እግል ልውረስ ሐቅ ገብኦ፡ እግል ውርስ ለበቅዕ እግል ልግበእ ቡ። እግል ውርስ ለበቅዕ ለልትበህል ነፈር፡ እት ቃኑን ውርስ ዝኩር ምነ ህለ (ምን ውርስ ለከርዕ) እጅራም ሕር ላቱ ነፈር ቱ። እሊ ለተሌ ምን ውርስ ለከርዕ እጅራም ዋዲ ላቱ ነፈር እግል ውርስ ለኢበቅዕ እንዴ ትበህል ምን ውርስ ተርፍ።

□ እብ አምር (እብ ዓኒ)፡ ሰቡብ ሞት ናይለ ልትወረስ ነፈር፡ ውላዱ፡ ዋልዴኑ አው እሲቱ (ኣንሳይት ምን ትገብእ ህዬ ብእስ) ምን ገብእ።

□ እብ አምር (እብ ዓኒ) እግል ልትወረስ ነፈር፡ ውላዱ፡ ዋልዴኑ አው እሲቱ (ኣንሳይት ምን ትገብእ ህዬ ብእስ) ቃትል ምን ገብእ።

□ እብ አምር (እብ ዓኒ) እት ረኣሰ እሎም ለትዘከረው አንፋር ጀርቤ ቀትል ዋዲ ምን ገብእ።

□ ድድ እሎም ለትዘከረው አንፋር፡ እብ ሞት እብ ሰጅን 10 ሰነት ለትዐዝብ ሸክወት እብ ሐሰት ቅዱም ምን ገብእ፡ አው እት ክእነ ለትመሰል ሸክወት ድዶም ሸህድ ምን ገብእ።

እሊ ለትዘከረ እጅራም ለነፈር እብ ዓኒ ለወደዩ ከምቱ ሐቅ ተአክደ እግል ውርስ ኢበቅዕ እንዴ ትበህለ ምን ሐቅ ውርስ ልትከረም። እሊ ለትዘረከ መዋዲት ላኪን እብ ቀፍለት አው ሀመሌ ለሳደፈ ምን ገብእ ላኪን ለነፈር ምን ውርስ ኢልትከረዕ።

እምበል እሊ ለትዘከረ እጅራም፡ ዎሮት ነፈር፡ እግል ዎሮት እግል ልውረሱ ለቀድር ነፈር፡ ፊና እግል ኢልሕደግ ልትካረፎ ምን ለዐሌ (ምን ጸንሕ)፡ በህለት፡ ፊና እግል ኢልክተብ፡ እት ለከትብዩ ፊና አትሳናይ እግል ኢሊዴ፡ አው ፊናሁ እግል ልምሰሕ እት ለሐዜ ካርዑ ምን ገብእ ምን ውርስ ልትከረዕ። እትለ ጋሪት እሊ ለተሌ መዋዲት እግል ዌርሳይ ምን ሐቅ ውርስ ለአተሩፋ።

□ ደቅብ ዓፍየት ናይለ ማይት እንዴ አትሐወነ፡ ዲበ እት ቀበት ሰለስ ወርሕ ቀደም ሞት ለነፈር ለዐለ ወክድ፡ እግል ማይት ፊና እግል ኢልሕደግ፡ ዋዲህ ለዐለ ፊነ እግል ኢለአትሳኔ፡ አው ህዬ ፊናሁ እግል ኢልምሰሕ ካርዑ ምን ገብእ።

□ ማይት ለሐድገዩ ፊና እብ ዓኒ ምን ለአበድዩ አው ምን ለኣነድደ። አው ህዬ እግል ፊና ምን ቀይረ፡ አው እብ ናይ ሐሰት ፊና እግል ልትነፈዕ ምን ጀርብ።

እግል ልውረስ ለኢበቅዕ እንዴ ትበህለ ምን ሐቅ ውርስ ለትከረዐ ነፈር፡ ወላመ ታርፌ (እት አካኑ ለወርሶ) እንዴ ሐድግ ቀደምለ እግል ለውረሶ ለዐለ እግሉ ነፈር ምን መይት፡ ለታርፌሁ እግል ልውረሶ ኢቀድርኒ። ምናተ፡ ለማይት እግል እብ መዋዲቱ ምን ውርስ እግል ልትከረዐ ለወጅብ ነፈር፡ ክም ሳመሐዩ እንዴ አከደ ለተአወርሱ ፊና እብ ክቱብ ሓድግ ምን ገብእ፡ ቃኑን ፊናለ ማይት እንዴ ሐሸመ ለአወርሱ። ***

ሓይላም ቄርኣት፡ ምስ ቃኑን ውርስ ለለትአምር፡ ለልትወረስ ወለኢልትወርስ ሕቁቅ እንዴ ፈርገ ለሐብር፡ ወምን ውርስ ለልትከረዕ ዌርሳይ ሚ ለመሰል ከምቱ ለሐብር አወላይ ክፈል ቃኑን ውርስ እትሊ እትሙም ህሌ። ዲብ መጽእ ካልኣይ ክፋል፡ ደረጃት ዌርሳት ከፎ ከም ልትካፈል፡ እምበል ፊነ ለገብእ ውርስ ሚ ከም መሰል፡ ወእብ ፊነ ለገብእ ውርስ ወሸሩጣቱ ለገንሕ ጽበዋ እግል ልጥባዕ። ኣሰክ ለሀ እት ኪር ኣሰምኖ።

LET'S LEARN ENGLISH

(I am) going to (do)

A/ "I am going to do something" = I have already decided to do it, I intend to do it:

- A: There is a film on television tonight. Are you going to watch it?
- B: No, I'm tired. I am going to have an early night.
- A: I hear Ruth has won some money. What is she going to do with it?
- B: She is going to buy a new car.
- A: Have you made the coffee yet?
- B: I am just going to make it. (Just= right at this moment)

This food looks horrible. I am not going to eat it.

B/ I am going and I am going to do

We normally use I am going (present continuous) when we say what we have arranged to do –for example, arranged to meet somebody, arranged to go somewhere etc.

- What time are you meeting Ann this evening?
- I am leaving tomorrow. I have got my plane ticket.

"I am going to do something" = I have decided to do it (but perhaps not arranged to do it):

- 'The windows are dirty. 'Yes, I know. I am going to clean them later.' (= I decided to clean them but I haven't arranged to clean them)
- I have decided not to stay here any longer. Tomorrow I am going to look for somewhere else to stay.

Often the difference is very small and either form is possible.

C/ You can also say that "Something is going to happen" in the future. For example:

The man can't see where he is walking. There is a hole in front of him.
He is going to fall into the hole.

When we say that 'something is going to happen', the situation now makes us believe this. The man is walking towards the hole now, so he is going to fall into it.

- Look at those black clouds! It is going to rain. (the clouds are there now)
- I feel terrible. I think I am going to be sick. (I feel terrible now)

D/ 'I was going to (do something)' = I intended to do it but I didn't do it:

- We were going to travel by train but then we decided to go by car instead.
 - A: Did Peter do the examination?
 - B: No, he was going to do it but he changed his mind.
 - I was just going to cross the road when somebody shouted 'stop!'
- You can say that something was going to happen (but didn't happen):
- I thought it was going to rain but then the sun came out.

EXERCISES

20.1 Answer the questions. You are going to do all these things but you haven't done them yet. Use 'going to' and the word(s) in brackets.

QUESTIONS:	ANSWERS:
eg: 1, Have you cleaned the car?	(tomorrow) Not yet. I'm going to clean it tomorrow.
2. Have you phoned Salih?	(later)=Notyet. _____.
3. Have you done the shopping?	(this afternoon) = _____.
4. Have you read the paper?	(after dinner) = Not _____.
5. Have you had dinner?	(just) = _____.

20.2 Write a question with (going to) for each situation.

- Your friend has won some money. You ask:
eg: (what/do with it?) = What are you going to do with it?
- Your friend is going to a party tonight. You ask:
(what/wear) = _____?
- Your friend has bought a new table. You ask:
(where/ put it) = _____?
- Your friend has decided to have a party. You ask:
(who/invite) = _____?

20.3 Read the situations and complete the dialogue. Use going to.

1. You have decided to write some letters this evening.

Friend: Are you going out this morning?

You: No, I am going to write some letters.

2. You are a smoker but you decided to give it up soon.

Friend: Smoking is very bad for you.

You: I know. _____.

3. You have been offered a job but you have decided not to take it.

Friend: I hear you've been offered a job.

You: That's right, but _____.

4. You are in a restaurant. The food is awful and you've decided to complain.

Friend: This food, isn't it?

You: Yes, it's disgusting. _____.

20.4 What is going to happen in these situations? Use the words in brackets.

1. There are a lot of black clouds in the sky. (rain) = It is going to rain.

2. It is 8:30. Jack is leaving his house. He has to be at work at 8:45 but the journey takes 30 minutes. (late) = He _____.

3. There is a hole in the bottom of the boat. A lot of water is coming in through it. (sink) = The boat _____.

4. Emma is driving. There is very little petrol left in the tank. The nearest petrol station is a long way away. (run out) = He _____.

20.5 Complete the sentences with was/were going to +one of these verbs:

give up have phone play (travel)

1. We were going to travel by train but then we decided to take a bus instead.

2. We _____ tennis yesterday but it rained all day.

3. I _____ Jim, but I decided to write him a letter instead.

4. When I last saw Thomas, he _____ his job but in the end he decided not to.

5. We _____ a party last week but some of our friends couldn't come, so we cancelled it.

From the dictionaries

1, Adipose = በረዶ ሽቤል፣ ሽቤል ክብት

2, Adjacent = ጎር፣ ስምዋ፣ ግዋረ

3, Adjoin = ትጋወረ፣ ሕድ ሸአገ፣ ስምዋ ሕድ ገብአ፣ አትጋወረ (ስምዋ ሕድ ወደ)

4, Adjourn= አትካረመ፣ አብጠረ (እጅትመፅ እግል ዶሉ ደብአ)፣ እግል ወክድ ሓር አጀለ

5, Adjudge = 1. ፈርድ፣ ሐክመ

2. ትደፈሀ፣ ትከሐሰ፣ ረትሀ፣ ተሐከመ

6,Adjudicate = ፈርድ፣ ሐክመ

7, Adjudication = ፍርድ፣ ቀረር፣ ሐክም

8, Adjudicator= ፈርዳይ፣ ሐክማይ፣ ዳይነ (መሰለን እት ጅግረ)



ሽፈ ሹም ዑመር፣ ፊሪድ ሲይረ - ቆሐይቶ

እሊ እብ መናሰበት 25ይት ሰነት ተሕሪር ለትከተብ ክታብ “መፈጸምታ” በህለት ካቲመ ‘ሽፈ ሹም ዑመር፣ ፊሪድ ሲይረ - ቆሐይቶ” እብ ልብል ኦርእስ ስለሞን ድራር ለከትብየ ቅስት እግል ዮም ሳልሳይ ክፋለ እግል ንርኤ።

ለእብ ከረ ሽፈ ወጅማዐቱ ልግበእ ወእብ ዲብ ሶይረ ወቆሐይቶ እቡ እንዴ ወደው ህይ አስክ ሰንዐፌ ወዐዲ-ቀይሕ ለኣንተሽረ ክጡዋ ገብእ ለዐለ ተዕቢኣት፡ እት ብዝሓም ተእሲር ክምሰል ወዴ ለተአከደ ጋርቱ ለዐለ። ለኣግደ ሰኣል፡ ለዝያድ 800 ለገበኣ መብዘሐም እብ ሽባን ኤረትርዩን ለትከውን ጄሽ ለቀውዶ፡ እደዮም እብ ደም ለሸትረ መስኡሊን፡ ሚ ቀራር እግል ልንሰኣቱ ለልብል ቱ። “ለተህየበ ፍርድ ልትህየበ!” እንዴ ቤለው እግል አዋጅ ዐፎ ጀብህት ሽዕብየት መትከባት አው ህይ እግል ክሉ ስሎሕ ለዐለ ጄሽ እንዴ መርሐው ድድ ጀብህት ሽዕብየት መትከራብ?

ባጽዕ እብ ጀብህት ሽዕብየት ክምሰል ተሐረረት፡ ወሬሕ ፌብራይር 1990 እንዴ አንበተ፡ አባይ ባጽዕ ምን ሐዲስ እግል ልብለሰ ህለ ለልትበህል ጄሽ እንዴ አትፈረረ እብ ጀብህት ግንደዕ እግል ልሰበር እምበል ዕርፍ ናይ ሞት ወሐዮት መዓርክ ወዴ ዐለ። ጀብህት ሽዕብየት ዲብ እለ ድቅብት መጃገረት፡ እስትሸሃድ ቃሊ እግል ትድፈዕ ትቀሰበት። መቅደረት አዳመ እብ እስትሸሃድ ወጅረሕ ዲብ ገምም ዲብለ ለትህምም አዋይን ሰበት ጌሰ እግል እሊ መሰደድ እሊ ለለርሄ ዎሮ ብስር እግል ልትሐዜ ዐለ እሉ። እሊ ጨቅዋ እሊ ለለርሄ ህጁም እብየ ምን ልትከሰት ለሐይስ? እብ ጀብህት ከረን? እብ ጀህት ርእሲ-ዐዲ? እብ ጀህት ደህላክ?

ዲብ ክእነ ላቱ፡ ሕርያናት ልትሐዜ እቱ ለዐለ ወክድ፡ ሽፈ ምነ ትፈረረ እሉ ክጡጡ ሐቱ ምህም ሐብሬ እብ ህግየ ሳሆ ትነሽረት እቱ። መሐመድ አሕመድ፡ ለሕጌ ትጃረት እንዴ ትነፈዕ ልትሐረክ ለዐለ ነፈር፡ “ምስለ እት ሶይረ ለህለው ክልኣት ቅያደት ቦሎኒ እግል አትዋጀህኩምቱ” ቤለ። ፍገሪት ናይለ ረዩም እት ሸቄ እሉ ለጸንሐ ልቃኣት ቱ። ምናተ ወኪል ስለለ ጀብህት ሽዕብየት ላቱ መሐመድ፡ እለ ሐብሬ እለ ለአመጽእ እት ህለ፡ ከረ ተኪኤ ወሽፈ ትም እንዴ ቤለው ለለኣቱ እተ ጋሪት

ይዐለት። እበ ድጉግ አግቡይ ሽቅል ጀብህት ሽዕብየት፡ ክሎም ወካይል ልትጌመሞ። ዲብ ሕሩር አራዲ ለህለ ወግረ ከዋ አባይ፡ እት ወሬሕ፡ “ሚ ሸቀው? ሓለቶም ሚ ትመስል? ዲብ ሚ ደረጀት ህይ ባጽሓም ህለው?” እበ ልብል መምዘኒታት ልትመዘኖ ወልትጌመሞ። መሐመድ አሕመድ ህይ፡ እበ ምን ረዩም ወክድ ለሸቀ እቱ ወተጃርብ ለክሰበ ምኑ ወቀይ፡ እብ አሳስለ እብ ሰበቱ ልትክእለል ለዐለ ጌማም፡ እብ ተኪኤ ወሽፈ እሙን ዐለ። “ሰኔ እግል ንትዋጀህ እትፋቃም ህሌን” ህይ ቤለው።

ለቅያደት ናይለ ክልኤ ቦሎኒ፡ ለዎሮ እብ ውላድ ደብራ-ሚለ ናይለ ትከውነት ቦሎኒ ቃእድ ገብእ እት ህለ፡ ለካልኣይ ህይ እብ ውላድ ገዐሶ ናይለ ትከውነት ቦሎኒ ቃእድ ቱ። ተኪኤ ወሽፈ ዱቅሪ ምስሎም እግል ልትዋጀሆ፡ “ኣካን እተ ትግበእ?” ትበህለ። ዲብለ ፍንጌ ክልኢቶም ለህለ ባካት እግል ትግበእ ህይ ትፋህመው። ለክልኣት ቅያደት ዱቅሪ እግል ልትዋጀሆ ይሐዘው። እለ ለተሌ ርሳለት ህይ ነድአው። “ናይነ ሐረከት ልብ ሰበት ትትከሬ እተ ምሽክለት እግል ኢትክለቅ እትነ፡ እግልነ እንዴ ወክለ ምስልኩም ለልትራከብ ናይ አምን መስኡል እግል ንንደእ እትኩም ቱ”

ተኪኤ ወሽፈ እበ ረኣይ አተፈቀው። ለትበህለ ነፈር ህይ ዲብለ ትበህለት ኣካን እብ ላሊ ጠበሽ ቤለ። ደሞስ ልትበህል። ጸሊም ቱ። ሳልሳይ ረኣሱ ትረኣዮም። ተኪኤ ወሽፈ ላኪን፡ “ግራሁመ ብዕዳም ሙሰልሒን ህለው” ለልብል ጌማም ወደው። እግል ኖሶም ክሉ-ክሎም ሐምስ ምናድሊን ዐለው።ምናተ ለገብኣት ፈርህት ኢዐለት እቶም። ተኪኤ ወሽፈ ዲብለ ነፈር ዱቅሪ እንዴ ጌሰው ትዋጀህው ምስሉ። ህቱ ህይ እበይኑ መጽአዮም።

መዋጀህት እብ ህግየ ሳሆ ተ። ሽፈ ህይ እግል ተክኤ ተርጅም እግሉ። ተኪኤ ለልትሃገያመ እግል ደሞስ ተርጅም እሉ። እግል 4 ሳዐት ገብእ ትሻወረው። ናይ ክሉ ለትበህለ ጭመም ህይ፡ “ሕነ ምስል አባይ ዕንዱቃም ለህሌን ምዋጥኒን ትሰቀብነ ዲኢኮን እንዴ ረዴነ ኢኮን። ጀላብ ወጠንነ እግል ንክደም ምራድናቱ። መጸኣኩን ምንገብእ እት መሞርኩም ህሌን። ምናተ

ዐዶታትነ እግል ኢልንደድ ሐቱ ዶል እንዴ መጽኣኩም ተረግ እንዴ አበልኩነ እግል ቲጊሶ ምኒነ አለብኩም። ቀደም እለ ጀብህት ሽዕብየት አስክነ ቃርበት ዐለት። ሐሬ ላኪን ፍንጌ ለህ ወለህ እንዴ ሐድገተነ ጌሰት። አዜመ እንዴ መጽኣኩም ተኣንሰሕቦ ምኒነ ሐቆ ኢገኣኩም ሕናመ ገበይ እግል ነኣዋፌሕ እግልኩም ሌጠ እንዴ ኢገብእ ምስልኩም እንዴ ገብኣነ ደርግ እግል ንዝበዋ ዱሉያም ሕነ” ለልብል ዐለ።

ተኪኤ ወሽፈ እግል ልኣከት ክምሰል ትዋፈቀው እተ ሸርሐው። ደሞስ እብ ጀህቱ፡ “ከላስ በገ ሕድ እግል ኢንዋለም ክታብ ንዝበዋ” ቤለ። ህቶም ህይ፡ እንተ እግል ትትረየሕ ቅርኣን ነኣምጽእ ክታብ ቅዱስ ነምጽእ እግል ኒበለክ ተርጀመት አለቡ፡ ለጋሪት ምን ልብነ ውፋቃም እተ ሰበት ህሌነ አስክ እመጸኣኩም ሌጠ ብርንቶ እንዴ ገኣኩም ጽንሐን” እንዴ ቤለው ምድር እንዴ ኢጸብሕ ሳረሐው።

እብ ጀህት ቆሐይቶመ ሽፈ ወጅማዐቱ ለብእቶም ሕድ ለሽብህ ልቀእ ገብኣ። ሕድ ለትሸብህ ፍገሪት ህይ ዐለት እቱ።

ተኪኤ፡ አስክ መስኡል ስለለ መንጠቀት፡ አስመላሽ (ወዲ-ሐፍቲ)፡ ሻፍግ ጀዋብ ነድኣ። ወዲ-ሐፍቲ ለርሳለት ክምሰል ቀርኣ፡ አህምየተ ዐባይ ክምተ ሰበት ትፈህመዩ አስክ ውቅልት ጀህት አትሐላለፈዩ።

ተንዚም ጀብህት ሽዕብየት ክእነ ላቱ መሳጥር አባይ እንዴ አንተህዘ ዲብ መስለሐቱ ናይ አብደሎት መቅደረት ለቡ ተንዚምቱ። እለ ምህም ሐብሬ እለ፡ ምስለ ዲብ ጀብህት ግንደዕ ለዐለ ጨቅዋ ድቁብ እንዴ ለዋኣት ህይ፡ እምበል ወዐል ወትመዩ እት መዓል እግል ትውዐል ዐለ እለ። አሰልፍ ላኪን ምን እግር እንዴ አምበተው እግል እለ ሐብሬ እለ ለህበው ክሎም እብ ድግማን እግል ልርኮሶም ዐለ እሎም። ሽፈ ለኣትፈረረዩ ወኪል መሐመድ አሕመድ፡ ሽፈ ኖሱ፡ ተኪኤ ወወዲ-ሐፍቲ፡ እንዴ መጽአው ምን ሐዲስ ተውዴሕ እግል ለሀሶ ሰኣል ትቀደመ እቶም። ክሎም ሐቂቀት ናይለ ቀድየት ክምሰል አክደው ጀብህት ሽዕብየት ናይ ግብለት ህጁም ዲብ መደት ሐጫር እግል ለኣምብት መምሬሕ ሀበ።

* * *

እብ አሳስለ ፈግረ ስታት እብ ጀህት ዘለምበሰ ገብእ ለዐለ መዳሊት ክምሰል ትክለሰ ናይ ዜሮ ሳዐት ክምሰል ተ’መት ወዲ-ሐፍቲ ምናድሊኑ እንዴ ጸብጠ እግል ልትበገሰ ተሐበረዩ።

ዲብ ዮም 23 ኣፕሪል 1990፡ ህቱ አስመላሽ፡ ተኪኤ ወሽፈ፡ ምን ስለለ፡ ዐብዱ እድሪስ ወሀይሌሚካኤል ህይ ምን ጀማሂር ለተአክበው መስኡሊን፡ መቅደረት አዳሞም እንዴ ሐየበው፡ ምን ፎሮ ትብገሰው። ሚርሓይ ገበይ፡ ጋቢ ጸዐደ እንዴ ለብሰ ዲብ በቀል ለትጸዐነ፡ “ተሻሽ” መሐመድ አሕመድ ቱ። ምድር ክምሰል ዐወድወደ ገረድፍ ለልትበህል መሓዝ በጽሐው። ዲብ ሕሊል ገረድፍ፡ ዲብ ክልኤ ትክፈለው። ለዎሮ ሐሽም አስክ ሶይረ ልብል እት ህለ ለካልኣይ ሐሽም ህይ አስክ ቆሐይቶ ጌሰ። ወዲ-ሐፍቲ እግል ዐብዱ እድሪስ ወሽፈ ለብእቶም፡ እብ ሽፈ እንዴ ትመረሐው አስክ ቆሐይቶ አስክ ርሽመት ደላሎ ፈግረው። ምኑ ህይ እብ መድሒን እንዴ ወደው አስክ ደብር ሰያት እንዴ ፈግረው ትመየው።

ተኪኤ ወሀይሌሚካኤል ለብእቶም ህይ እበ በዐል በቀል - መሐመድ አሕመድ እንዴ ተመረሐው፡ ሕሊል ናባጋዴ እንዴ በይአው እት ወርሕሎ ፈግረው ከ እብ ወርሕሎ እንዴ አበለው ህይ አስክ ሮሪብ መሐረብ ፈግረው።

24 ኣፕሪል 1990 ሐቱህ እግል ተትኣምርቱ። ውሕዳት ጀብህት ሽዕብየት ናይ ዜሮ ሳዐት እንዴ ተህየበየን እብ ፎርቶ ኳዴርኖ ህጁም እንዴ ከስተየ አስክ ሰንዐፌ አተጀህዩ። ገሌ ክፋል ውሕዳት ህይ ሰንዐፌ እንዴ ሐልፈየ እግል ከስከሴ በትክየ። ዲብ ሰንዐፌ ወዐዲ-ቀይሕ ለዐስከረ ዎሮ ብርጌድ አባይ፡ ለዲብ ሶይረ ወቆሐይቶ ለዐለው 800 ሙሰልሒን እንዴ ደምነ እብ እንቅራሩ ሰክብ ዐለ። እብ ጀህት ምፍጋር ጸሓይ ለአተው አንፋር ስለለ ወጀማሂር ህይ ዲብ ኣካናቶም እንዴ በጽሐው ክርን ናይለ እስትንቡረት ርሳስ አው መድፌዕ ልታከው ዐለው። ለተርፈ ሰኣል፡ “ዘብዋ ክምሰል ትሰመዐ፡ ለመስኡሊን ‘ወዶገበ’ ዲብ ናይ መዳፈዐት ሐርብ እግል ልትበገሶ እብ አንፋር ደርግ ክምሰል ተአዘዘው፡ ዲብ ገለዶም እግል ለሐዋሞቶም ገብእ?” ለልብል ዐለ።

ምድር ጸብሕ እት ህለ፡ እብ ሰንዐፌ ጅምጅም ዘብዋ ትሰመዐ። መዋ-መሞረ ዘብዋ፡ “ማጽኣምኩም ህሌን ገድም ክምሰል ትበህልናህ ኒዴ!” ለትብል ልኣከት ናይለ ዲብ ሶይረ ወቆሐይቶ ለፈግረው አንፋር ጀብህት ሽዕብየት “ሽዕብየት ህጁም ካስተት ሰበት ህሌት እብ ሽፋግ ሰንዐፌ ርድኦ!” ለትብል ልኣከት ፊድዮ ቅያደት ጄሽ ደርግ እት ሐቱ መደት ዲብለ ቅያደት፡ “ወዶገበ” በጽሐት። ቀራር ዲብ ሐቱህ ለገብእ እተ ናይ ደንጎበ ደቂቀት መጽኣት።

24 ኣፕሪል 1990 እብ ክሉምሉ ኬር ወበርከት ለትጃቀፍ እተ አምዕል ገብኣት። ለቅያደት ‘ወዶገበ’ ናይ እትሳል ፊድዮታቶም ካስታም ዐለው። ክርን ውቁላም መስኡሊን ደርግ፡ ሐቱ ዶል ናይ ትእዛዝ፡ ሐቱ ዶል ህይ ናይ ዐይብኩም ክርን እብ ትሉሉይ ጨንገር ለብል ዐለ። ለቴለል ላኪን ክምሰል እት መደት ሐርብ ዐድወ አውዐሎም ለልትበህል ለወደዮምቱ “አውዐሎም አውዐሎም...” ለትብል ሊክ ክምሰል መጽኣት “መዓልክንዲ ኢንውዐሉ” ለትብል ገኣት። አማናት ኢገብኣ “ወዶገበ” ወቅያደቶም ዲብለ ዐለው እተ ሌጠ ሕስ በትከው። ዲብ ሰንዐፌ ለዐለ ጄሽ ደርግ ህይ ለበዜሕ በህለት ፖሊስ፡ ቃኚ፡ ሞር-ሰራዊት፡ አንፋር እስፓ፡ እዳረት ወዐስክርያይ ኮሚሳር፡ ጄሽ ሽዕቢ፡ ቀበሌ፡ ድህንነት... ወለመስሉ ዲብለ ከረ ተኪኤ ለዐለው እተ ርሽመት ሶይረ ልትከዴ እት ህለ፡ ለተርፈው ሕዳም ህይ ወለ ሐቱ ዶልመ እግል ልልከፎ እንዴ ኢጆርሶ አስክ ዐዲ-ቀይሕ ገጽም ትገሸሸው።

ለሰንዐፌ እግል ልዕቀሶ ዲብ ሶይረ ዕስኩራም ለዐለው ኤረትርዩን ህይ አስክ ከረ ተኪኤ ገጽም እት ተንክሮ ገሚሚዕ እንዴ ገአው ዲብ ሳሳት ወአወድግ ሶይረ ፈነዋር ጋብኣም ወዐለው።

አባይ ዲብ ከስከሴ ጀርቤ ንኢሽ ወደ። ላኪን ኢቀድረ። እት ልትከበብ ዐዲ-ቀይሕ እንዴ አተ እግላ ዲብ ዐዲ-ቀይሕ ለዐለ ጄሽ አባይ ዝያደት ርዕብ ወበህጅ ወሰከ እቱ። ክሎም ህይ እተ ምሴት ለሀ፡ ለልትቀተል ወልጸበዋ ገበኣ እት ህለው፡ ለተርፈው ህይ አስክ ሰንዐይቲ ገጽም ሀርበው። ሰንዐፌ ወዐዲ-ቀይሕ ህይ ዲብ ሐቱ አምዕል ተሐረረዩ። 24 ኣፕሪል 1990!



ትልህየ /ርያደት/ ዓዳት

ፍቱያም አውኪር አዳም ዮም እብ
ርያደት ዋውርት ሰኔ ልትበሰጥ
ወክምሰል ዓማት አተይ ወፋግዖት
ልትነፈሶ እብ ህለ። እት መደት
ቀዳሚት ላቱ። አዳም እብ ርያደት
ዓዳት ልትነፈሶ ዐለ። ዲብ ዐለም
ለትፈናተ ርያደት ዓዳት ህለ።
ምን ደውለት ዲብ ደውለት ህዬ
ልትፈናቱ። ዲብ ዐድነ ለጉብእ
ርያደት ዓዳት የምአለቡ ቱ። ገሌ
ምኑ ክምሰል ከረ ቢብ፡ ሐባብዒቶ፡
ሀተት፡ ሻኩ፡ ግድለ፡ ራዶይታ፡
ቀርጨበዕ ወለ ምስሉ ሸምል። እለ
ለቴሌ ሸዕር እግል ዓዳት ርያደት
ለትከሰስ ተ። እንዴ ቀርአናህ
አሰማይ ናይለ ዲብ ስሙይ ለህለ
ጅንስ ርያደት ዐባዩ ንትሰአል
እቡ።

ቀዳሚትን ንትወለብ
ቀዳሚትን ንትፋቀድ ዓዳት
ለእቡ እንሸንን
ኢነአትናጥጥ ሰብ ቃብል
ጅንሰዮትን ንታይን
ዓዳትለ ርያደት መሕበር
እግልናቱ ምን ብይን
እንዴ ንትፋቀደ ለናይ ንእሽነ
ክረዕ
ገሌ እንዴ ለሐዘ ወገሌ እት
ልትሐበዕ
ኩብ ወክተሕ ሀተት
ወቀርጨበዕ
ቢብ እብ ምርዖህ
ገሌ ቀደም ለሀጅም ወገሌ
ተርፍ ጎህ
ኣልዒሽ ወምድግብ--በዐለን
ኢልዓርፍ ወኢሰክብ
ገሌ ልተልሂ ወገሌ ሰብ
ምግብ
ግድለ ለአንሐር ትፋጾዕ
ትልህየህ ሸባብ
ሰዐይ ወግንብዩ እሻረትለ
ጽጋብ
ነፍሰ ሐቆ ትረቴዕ ሚ ዶል
ተሐዘ ሰካብ

ፍቤ ለንኡሽ ትለቤ
ፍቱት ኢትትአቤ
ህኔ ወሃኒ-አውኪር ሸባኒ
ቅርጨ ቅብርጨ-ሰማን ዐለ
ብርኪ
እተ ልብዬ ህሌት እለ ናዩ
ፍቲ

ከአፎ ነሴናሁ እሊ ዓዳት ቃሊ
ዲብ አልባብን መስከቡ ዮም
ወማሌ
መሳክብ ነአጥፌሕ እግሉ
ሕበር 'ግል ንተልሂ
ፍቱይ ትልህያታትን አባዩ
ልትቀዌ

ዘህረ ዐለ ዘህረ ዐለ

- ለትወቀለ ታወር ዲብ
ዐለም ዲብ ቶሮንቶ ለልትረከብ
ታወር (ሻባይ) ቱ። እሊ ታወር
እሊ አስክ እለ መትመጣውራይ
ራክብ ይህለ።
- ኮዳክ ለትትበህል
ሸርከት ዲብ ዐለም ለትወቀለት
ፍደት ለትትነፈሶ ሸርከት ተ።
- ዲብ ዐለም ለረሕብ
ነሀር፡ ነሀር አማዞን ቱ።
- ባዶብ ሳህረ ለትወቀለ
ድቡብ ለሸቄ ባዶብ ቱ።
- ዲብ ዐለም ለበዝሐ
ኮባልት ለልትበህል መዓድን
ለተአፈሬ ደውለት ዛዩር ትጉብእ
እት ህሌት፡ እት ሰነት ክልኤ
እዴ ምን ዲብ ዐለም ለፈሬ
ኮባልት ተአፈሬ።
- ለለበዝሐው ሸቃለ ለበ
ሸርከት ባቡር ናይ ህንድ እት
ትጉብእ፡ ምን ዎሮት መልዩን
ወለዐል ሸቃለ ከድሞ እተ።

- መክተበት (ላይብሬሪ)
ኮንግረስ ዲብ ዐለም ለዐቤት
መክተበት ተ።
- ሐንገል ወድ-አዳም
25% ምን ነፍሱን ለትትነፈሶ
እቡ አክሰጃን ለአስተህልክ።
- ለሬመ ወቅት ለነብሮ
ሴላት (ኸልያት) ናይ ሐንገል
ወድ-አዳም እት ገብኦ፡ ዕምሩ
ታምም ነብሮ ምስሉ።
- እት ክል-ደቂቀት እት
ዐለም ዎሮት ቢልዮን ቶን
(ጠን) ናይ ዝላም ዲብ ምድር
ልትከሬ።
- እት ክል-ሰነት ዑለመ
ሐድ 10,000 ኖዕ ምን ሔዋናት
ዲብ ሰጅል ለአቱ።
- አለሚት በሐር አስክ
ቅርድ በሐር እግል ልትመሶ
እበን ልውሕጦ። እሊ ህዬ
ሚዛኖም እግል ልክበድ እንዴ
ቤለው ቱ።

ገሌ ምን መባከስ ኤዞፕ

ፍቱያም አውኪር ኤዞፕ ዎሮት
ምን እሙራም ሰብ ሕካዮት ቱ።
ቀደም እላመ እብ ክሱሱ ገሌ
ብህላም ምንመ ሕነ ዮመቲመ ገሌ
ምነ ህቱ ለቤለዩ መባልስ እግል
ንቀድም፡-

ኤዞፕ ዲብ ሰነት 620 ቀደም
ሚላድ እት ግሪክ ትወለደ። ሚ
ዶል ክምሰል ሞተ ላተ እሙር
ኢኮን። ኤዞፕ እብ አድጋማቱ።
ሕክሙ ወቅሰሱ እናስ ሰኔ እሙር
ነብረ። ቅሰሱ ምን ታርፌ እት
ታርፌ እንዴ ልትዐዴ አስክ እለ
ነብር ህለ። ዲብ ብዝሓት ሀገረት
ዐለም እንዴ ተርጀመ ዮመቲ ማል
ክሉ ገቢል ዐለም ጋብእ ህለ። ገሌ
ምነ መባልሱ ህዩ እሊ ለተሌ ቱ፡-

- ትወሐድ ወትብዘሕ እግል

ሰኔት ለትወደዩ ክለ ዐውል ህለ
እግሉ።

- መስኒክ አው መልህይክ
ዶል ትጠልም አርወሐትክ ክምሰል
ደመርክ አው ክምሰል አክረብክ
ኢትቅዌ። እት መልህይክ ለትወደዩ
ከያነት እት ርሕክ ክምሰል ትጀርብ
እሙር ቱ።
- ምን ደማነት ወመጣጥር
ለአለቡ መሰኒ፡ እሙር ሕጉር አባይ
ለሐይሰ። ሰበቡ ህዩ ፈታይክ ለእብ
ትትቃርሐ ኢትአምር። አባይክ
ላኪን ምን ቀዳምክ ትትወጤ
እግሉ።
- እግል ኖሱ እት ምሽክለት ለህለ
ነፈር ምክር ናዩ ብዞሕ ኢትእመኑ።
ሚክራይ ራውግ ወፋጥን እግል
ልግበእ ለአስትህል።

- ሐሳይ አማን ምንመ
ልትሃጌ ለአምኑ አለቡ!
- እት መስኩብት ሐቆ ህሌክ
ክልዶል ሓጥር እንተ! ምናተ፡
ሐጠርክ ወኤማንክ ዶል መስደድ
ልትአመር።
- ሐንገል ሐቆ ልንእሽ
ምክሔ ወጦባር ለዐቤ!
- ለጉብእ ነፈር እግል
ትረዩሕ ሐቆ ትብገስክ ወለ ዎሮት
እንዴ ኢትረዩሕ መሎስ እግል
ትትረፍ ቱ!
- ሕግላን መንግሥት ናይ
ምህዞ ቱ። ምርኩብ ህዩ ዓማት ናይ
ህኮት ተ።
- ቤጭክ እንዴ ኢልትፋረክ
ማል ብዬ እንዴ ትቤ ኢትዐልቡ

መራዐየት አንያብ

2. ዕሙማይ ሸክል፡ መባትክ ወተጠውር አንያብ (Formation and Eruption of teeth)

አዳም ዲብ ዕምሩ ክልኦት ጅንስ
አንያብ ህለው እግሉ፤ ህቶም
ህዩ፡-

- አንያብ-ንእሽ(አንያብ-ሰልፍ)
- አንያብ-ዕብ (አንያብ-
ኔብራይ)

- ሕብር ሊኒ ለቡ አንያብ
ዲብ ቀበት ዕስር ልሰዕ ለኢበቅለ
አንያብ ዕብ ቱ።
- ሕብር ጸዕደ ለቡ አንያብ
ለበቅለ አንያብ ንእሽ ቱ።

አንያብ-ንእሽ(አንያብ- ሰልፍ)

አንያብ-ንእሽ ለአወላይ
ክራም አንያብ እት ገብእ ዐደዱ



ዲብ ነክክ ተሓት ወዐስር እት
ነክክ ለዓል ህለ። ድርድር አንያብ
ሰልፍ ጅን ክምሰል ተሐነን እት
ፍንጌ ሳልሳይት ወሳድሳይት
ሳምን እግል ልትጠወር ለአኑብት።
ዐልቀት እት ቀበት እሙ 16
ሳምን ክምሰል ወደ እግል ልተረድ
ለአኑብት። አንያብ እንዴ ገብእ

ወሬሕ ክምሰል ወዳቱ።

አርበዕ ጃሃሪ
ክልኤ አንያብ ክልብ
አርበዕ አልሓይ

ዎሮት ዐልቀት፡-

- አርበዕ ጃሃሪ(incisors)፤
- ክልኤ ኒብ ክልብ
(canines)
- አርበዕ አልሓይ(molars)
ዲብ ክል ነክክ እሎም ለትሰመው
ህለው እግሉ።

ግርዝ አልሓይ-ቀደም አለቡ።

ወድ ክልክኤ ሰነት ወሰር
ክምሰል ገብኦኮ አንያብዬ ክሉ
በቅለ!

ዓማት፡ ክታብ “ክንክን ሰኒ”



ሰፈር አስክ ምድር ምሔርበት 3ይ ክፈል

ምን ክብክብ አስክ ነቅፈ ዝያድ 40 ክሊሚተር ገበያ፡ ለዲብ ዘበን ካልኣይ ሐርብ ለትግደቀ ድፍዓት ጥልጾን እት ትርኢ፡ ለአስክ ሰመ ለአንቀፅረረ ሻንን ወውቁል አድብር፡ መሓዋት ወአውድግ ምስለ እት አጥራፍ ሕሊል ሕዳይ ለህለ ድበፅ ዐዳይ እት ትትፈረጅ፡ ለሰፈር ዝያደት እግለ መዛይረት በሰጥ ክምሰል ዐለ ምን ልትግገው ለዐለው ክሊማት ትፍህመ። ንያት ወዊንታጎ ላተ ዶል ክኡብ እንክር ዎሮ ናይለ ኣተብህረ ረኣሰን እት ለኣፈግራ፡ እግለ ውቁል አድብር ወለ እት ክል ኣካን ሰርቲክ ለዐለ ደባብ ኣባይ እት ሰውረ ሰራ ብሰጣት ዐለዩ።

ሕሊል ሕዳይ ለልትወሒ ኢመሰል፡ ድማን ወድገሉብ እት ልትለዋሌ እብክ ህዬ ምስለ ክለቡ ለህለ ወቁል አድብር እት ተዐፊ፡ ቢያን ክምሰል በጽሐው፡ ዳቡመ ኣሰር ሐርብ ወእብ ፍንቱይ



ኣምቡተው። ሐዬ ሕቲ፡ ቅሩብዬ ወድ ሓልዬ ወድ ኣቡዬ ወድ ዐድጎ እት ነቅፈ. እስትሽሁድቲ፡ ለኣልብል ህዬ ደዐሉ። እበኣማንመ እት ትርብት ነቅፈ. ለኢሻረኩት ዓይለት ወወውል ለኢደፍዐ ምዋጥን ሐድ ቲ። ነቅፈ. ለበዝሐው ሽህደ ኤረትርፍ ለብኡተ መዲነት አው ጀብህት ቲ።

ለወክድ ሊጋሽ እበ ውላድ ዐድ ዲብ ልትመረሒ ዲብለ ታሪኤት

ደሚር ልሰመሆን ዐሉ። ፈንጎሕ ፈጅር አስክ ከከደ ክምሰል ኣቅብለዩ እግለ እቲ ለህለው ሽግን ታሪክ ነቅፈ. እግል ለሓክዩ ምን ቢለዩቲ።

እማት ወአቡው ነቅፈ. ክምሰልሁመ አንፋር ቅዋት ድፊፅ እንዴ ትሰርሰረው እግለ ሕሹም ጋሽ እብለትፈናተ አግቡይ ትክብተው። እማት እብ ቡን ወሽክባ ወምን እት መቅበረት ሹህደ ባቅል ለህለ ፈርያት ኩኻ ወቲፈሕ ማጡም እት ህለው። እበኣማን ለማሌ ዓጭጥታት ፍራሰ ልሳበር እቲ ወደም ሹህደ ሰቲ ለዐለ ድዋራት ነቅፈ. ዮም እለ ፍሬ ፋሪ ለአበቅል እት ህለ ለፍሬ ፍሬ ሹህደን ክምቲ። ሹህደን ህዬ እብ ዕጪይ ጥለል ወፍሬ ፋሪ ንዝከርም እት ህሌን ሐብን ክምቲ። ኖሶም ሊጋሽ እብ ዎርዎሮ ለሽርሐውቲ።

ሐቆ ኣመቅረብ ክሉ ለዲብ ሰዋትር ማሌ ወመቅበረት ሹህደ ዮም ፍዴል ፕ ጅሞፅ ለዐለ ሰብ ዐድ ወጋሽ፡ ኣስክለ እት መድረሰት ኪነት ዊን ዱሉይ እሉም ለዐለ ኣካን ሕድርኖት ኣተጀህው።

መድረሰት ፈንዩት ዊኡ ምን እት ሰነት 1985 እት ኣራግ ወሐር እት መዐት ለገዘብት ወኣላፍ ፈንዩን ወሰብ መቅደረት ለኣፍሬት፡ እትሊ ወቀት እለ ህዬ እት መስከብ ፍራሰ ላቲ ድማድግ ነቅፈ. እብ ገበይ ጥውርት እንዴ ትበኔት ምን ክል ርክን ወጠን እት ልሽብወ ኣካዳምየት ወቲክኒክ ለተኣደርሰ መድረሰት ቲ።



ናይለ ሐቆ እንሰሓብ እስትራተጂ ለገብኣ ህጃም ጄሽ ሸፊ. ወዲቡ ለትገራደመ ደባብ ኣባይ ሰመፅ በሰር ናይለ ሐልፈ ንዳል ተሕረር ዐሉ።

ምድር እት መሴ ገይሰ እት ህለ ለክታረ መካይመ ደርብ ሕድ ዲብ ለኣንርር ሲጋደት ሲጋድ እንዴ ተኣልበጠ ምን ቶልጊት ላቲ ሕሊል ኣስክለ ወቁል ሮሪብ እንዴ ኣንቀፅረረ ተለክ ቢሉ። ሰነን ነቅፈ. እግል ከብቲ ናይለ ሕሹም ጋሻሁ እንዴ ቢለ ምን ሰር ኣምዕል እት መንገኣት ነቅፈ. ልታኬ ወዐሉ።

ፍንጌ ኣመቅረብ ወኣልዐሰርቲ ህዬ ለመጋዊሕ ምን ኣሰመረ ለትበገሰ ጋሽ ነቅፈ. ለበጽሐ፡ ነቅፈ. ለእብ ከበር ሰሙዐው ለዐለው ምስለ ዐለት ዝላም መልከተይ ኣክደር ጋብኣት እት እንቲ፡ እብ ብፍድ ሽማል ክምሰል ተከብተቶም ክሉም ካሚራቶም እንዴ ኣፍገረው፡ እግለ ኣድብር፡ እግለ አወድግ፡ እግለ ሰዋትር ክሉ እግል ልሳውሮ

መዲነት እንዴ ኣለኣቲ ድገለበ እንዴ ኣወለጠው፡ ዲብለ ሹህደ ሰክዮ እቲ ለህለው መቃብር ሹህደ ፊዴል ፕ ዲብ ለኣሰሮ ዝያደት ሐብን ትሰመሰዮም። ዊንታጎ ወንያትመ ምስል ዐመተን ንጽህቲ እንዴ ገብኣዩ እግለ ለሐልፈ. እቡ ለዐለዩ ባኮት እት ልትዐጀበ ለኣትቃምተ ወሰውረ እት ህለዩ ራሐት



ምን ሐልዩት ቤት መዐለ ወቤት መዐሾ ሕመድ ግሩብ ለልትበህል ካልያይ ለተሐሌት ዕልብ ሕላዩት 599 ክእነ ትብል።

እብ ረቢ ወእብ ሼኩ መጽኦ ምኖም ወድ ገብሽ ሓጥርዲ ገበይ ኢሐግልቲ መንገኣት ከስት ክም ጠርቀ ወህርቲ ምን ለኣጋሉ ምን ትወለደ ኢተህክ ሐዋን ላቲ ተናክፍ ኢልብሎ ሐይሰክ ማይት ላቲ ቀብሮ በዐል ግድሪመ ወበልገ እጉር ላቲ ልጽዕኖ ኢሐድጎ ክም ተርፈ ፈታይ ኖሰነ ገብኣነ እንታመ ኖሰክ ወዐልክ እት ገጃም ኢኮን እት ከረንመ ወኢሰህርክ ዐድ ዐለ ወድ ህማር ኣምዕል ጸላም ረክቡተ ምን ልብሎምተ ለሐዱጉ በዲር ኖኖምተ ቤት ዐንጀ ለሐረት ዲብ ቤልተ ዛምተት ሐሊብ ጸብሐት ተ ዝመት ቀትል ወመይት ወፈግር ነፍሱ ለበቀ ትብልሰት ዲብ ፈልፈሎት ዳረት ለቤተ ከልኣተ ምንመ ተሐከረት ተርፈት ምኖም እብ ወርቀ ልበ ለዐረር ይኣበ ግራዴታት ወጋሽ።

እድሪስ ወድ ሕመድ ግሩብ እት ገደቡ ለቤለዩ ሕላዩት ህዬ ክእነ ትብል።

ሓጥር ገደቦ ትበጥር ዲቡ ጽምዳቲ ጸጋይ ምድግ ገደባቲ ተዐይር ዲብለ እሳቲ ላብብ ዔድዋን ገደባቲ እት ሰብ ከሬ ታላቲ ስሕት ተራር ምን ቀደምቲ መሐበር ሻፍግ ህርሳቲ እርብጥ ሚቡ በዐል ግልብ ለዲብ ከሬ ስጋዱ ሰመፅ ገብእ ወምእምን ጹዱቅ መስኒ እሳቲ ኢዩዴኒ ክምሰልሁ ካይን ዐዶ በዐልናቲ ዎሮ ኢኮን መስከቡ ወዎሮ ኢኮን ልባሱ ግሉድ እንቲ ልትጋለድ ለትበገሰት ተ እማቲ ቀይሕ ኢኮን ወጸለም መን ኣምሮ በርሃቲ ሕናመ ክለል ወወጂብ ኣዳም ነኣምር ፍርጋቲ።

ጹዱቅ ገደቦ ዲመ ታርፍቲ እት ኣከረ ሓጥር ገደቦ ከም ረዐዳባቲ ወጽምደ ጸጋይ ገደቦ ተዐይር ዲቡ ክም ምግደ ላብብ ዔድዋን ገደባቲ ታላት ከሬ እት እግረ ኣቡከ ደሙ ነሳንስ ከዲብ ሰብ ናዝሕ ከም ትክለ።



ሽባን መከብሮ፡ ከትዋኩቦም ወገይሶ



ውዛረት እዕላም አፍረዐት ትግራይት (ፊደላ፡ ትልፍዝዮን ወጀሪደት) ክል ሰነት ለትወድዩ መዐሉማት ዓም እግል ቲዳ ለልክትሐዜ ሕፍዝ ክም ወዴት፡ ናይ ሰነት 2016 መዐሉማት ዓም እት መዲነት መለብሶ እግል ልግበእ እት እትፋቅየት ሰበት ትበጽሓ፡ እብ ረሰሚ እግል እዳረት ደዋይሕ መለብሶ ተሐበረ፡

እዳረት ደዋይሕ መለብሶ ለምን ቀልቦም ልተምነው ለዐለው በዳሪት እት አካነ ወደላ ሰበት መጽቶም እብ ፈርሐ እንዴ ትከበተው ክሉ ለልክትሐዜ መትዳላይ እግል ሊደው ትፈረረው፡

ወክድ እግል ኖሱ እት ልትሄበብ ሰበት ጌሰ አምዕለ እሰራት ጠበሽ ወዴት፡ ለመናሰበት እግል ትግመል ምን ፈርዕ ረድዮ ክርን ገቢል ተለፍዝዮን ኤረትርዮ ጀሪደት ኤረትርዮ ሐዳስ ወቅርፈት አክባር ለሸቁ ሰሕፍዩን መዳሊቶም ክም ተ'መ ጽብሐት ጅምዐት ዮም 16 ዲሰምበር ሰነት 2016 ናይ 150 ኪሎ ምትር ሰፈር አሰክ መለብሶ ገብኦ፡ እተ እብ ሽማላቱ ወአብራዳቱ እመር ላቱ ሮራ ማርዮ ቀየሕ ክም ትበጽሐ፡ ለሰሐፍን ጋሻ እብ ውላድ እሊ ድጌ ላቶም ሽባን ከብቱ ናይረት ገብኦት እግሎም።

አሰናይ ደሐን መጽኩም ለልብል ጋጽ ፋርሕ እግል ሕራብ ጋሻሁ ኬን ወእንሰር ቤሉ፡ ቀደም ሕራብ ላኪን ምህመትለ ሸቅል ለዐቤት ጋራት ሰበት ዐለት ማሲ ምድር እተ ጅግረ መዐሉማት እግል ልግበእ እተ ዱሊት ለዐለት መክተበት ካልኣይት ደረጀት መለብሶ እንዴ በጽሐው እብ ዕንቶም ለእብ ሽባን መለብሶ ወእማቶም ለትዳለ አትጋራም ወዋናብ ናይለ ቃዕት፡ ሰዋልፍ፡ ሕድርናት፡ ለባበት ውበዕድ

መውህባትለ ሽባን ለሸርሐ እት እንቱ ዶል ረክበው ደሚሮም ርዩሕ እት እንቱ አሰክለ መዲነት ተሐረከው፡

ለጸምኦት ግርግመት እግል ለአዋልል ወለአርዌ ለሰፍሬት ከብድ እግል ለሕንክ ወለአፎጼ ለትዐበ ገርብ እግል ለአትዓርፍ ወልኦተልሄ ማይ ሻሂ ሐሊብ ወቡን፡ እብ ነበሪት እንዴ ተሌት አዳም ክም ተሐረበ እግል ልትመሼ ለሐዘ ትመሸ ወተዐቡ እግል ለአፍግር ለቤለ ህዩ እተ እግሉ ዱሉይ ለዐለ ዐራታት እንዴ ትመቀኦ ሕንገር እት ልብ ትመዩ፡

ለበርናምጅ እተ ጸብሕ ለዐለት አምዕል ሰንበት ንኢሽ ዮም 17/12/2016 እግል ልግበእ ስቱት ሰበት ዐለ፡ ጋሻ ወሰብ ዐድ ምን ዶል ለምድር እት በርህት ዐወድ- ወደዩ እት በርመጅት አጅህዘቶም እግል ልኦተው ወክድ ካፈ እት ህለ አሰክለ አካንለ መዐሉማት ተለክ ቤለው።

ለአካን እት ከብድ ካልኣይት ደረጀት መድረሰት አሹሃዳእ መለብሶ ሰበት ዐለት በርናምጅ እግል ለአንብት ክም ቀድር አጅህዘቱ ክም አጠጠሐ፡ አሰክለ ወክድ ምሴ እግል ልግበእ ብርመ-ጅ ለዐለ መዐሉማት ወክዱ አሰክ ሽብብ እት ክብድለ ዕምርት ለዐለት ዐዳገ መለብሶ ትዘረኣው ለጋሽ።

ምነ ክሉ እዱሊት ለዐለት ዐዳገ ልትዓወሎ ወልትዛበ እንዴ ወዐለው፡ ምድር ሳዕት 3 ናይ ምሴ ክም ገብኦ ወጽሓዩ በርደት መትዳልዩ ወመቀድመት መዐሉማት ዓም እብ ሂገ ትግረይት ሰነት 2016 እብ ረሰሚ እግል ለአንብት ለፈርግ ናይ ደቃይቅ ዐለ።

ለእት ደቃይቅ ክሩይ ለዐለ ወክድ ክም እዱህ ህበ በርናምጅ እብ ዝክረት ሹሀደ አምዐክ ቤሉ፡ ሽባን መለብሶ ምን ዝሕርታት



አግማሞም ክምቱ ለልትአመር እብ አሸዓር እብ ትከበተው ጋሻሆም፡ አሰናይ ደሐን መጽኩም ለተአሰምዕ ክርን እሻረት እህትማም እበ ክቡድ ሸቅል ወለ ረያም ወልወሊት ገቢይ ለትሸርሕ ሰበት ዐለት ዝያድ ክሉ እግላ ሰብለ ወቀይ ረይሐት።

ፍሬታት ክም ተህዩቡ፡ ወጋሻይ ክም አርሐቡ፡ ከሊማት አሰናት ደሐን መጽኩም ወደሐን ጸንሐኩም ክም አትመመ መዐሉማት ዓም ሰነት ገዲመት ለሳርሕ ወሰነት ሐዳስ ለዋሌ ክርንቱ ወቀለ።

እግል ክል ደረሳይ ለትዳለ ሰበ ሰኣል፡ ለአፈንገ ጽበዋ ፈን ሽባን መለብሶ ልብ ብዝሓም ለሳረ ዐለ፡ እብ ወለት ገቢይ

ዶር ራድዮ ክርን ገቢል ወእበ አሮ እንክር ብስር ወሽግረት አፍገርት ነፍስ ምን ሞት ወጀሪመት ለትሸርሕ ውብዕድ ጽበዋ ፈን እብ እንዴ ሐፍነ ወምነ ዘብዋ ለዐለ ሽማል ክም ደሐነ ሰኢ ገረመ ጠዕመ ወሰነ።

እዳረት ደዋይሕ መለብሶ እግል መትጃግረት ለገብእ ጀዋእዝ ምስል ዘበን ለገይሰ እግል ልግበእ ሰበት ሐፊቱ፡ ምን ሰላዲ እት ማል ዳይም እንዴ በደለቱ እብ ሶላር ለሸቁ መሰጃላት ረዋዲ ወረሲሸር ዲጂታል ምን አወላይ አሰክ ሳልሳይ ሀበት ወማጤት።

እትሊ ጅግረ እሊ ቃርባም ለዐለው ሽባን ደረሰ እብ ዕምር ንኣይሽ ምንመ ዐለው፡ ቀደምም መስተቅበል ባርህ ክም ህለ እግሎም እበ እት ሐንገሎም ካዝናሙ ለህለው መዐሉማት ትትኣክድ ለትቀደመ ሰኣል እምበል ፈዋን ወሌለ በሉሱ እት ህለው ዶል ትርእዮም ምስል ብዋረት ገርቦም ለኢገይሰ ፈህም ለጸረ ሐንገል ጸብግም ክም ህለው ትትኣክድ።

እብሊ ህዩ ታሪክ፡ ዓዳት ነባሪ ርያደት ወመዐሉማት ዓም ለጸብጠ ጅግረ እግል ሳዕት ወሰር ለገብእ ወክድ ክም ገብኦ ወእብ ናይረት ገቢይ ክም ተምመ ለሐበረት

ወልኦትናይቶ እንዴ ትበህለ ለትዳለ መዐሉማት ዓም ብዞሕ ልኦታት ለሓለፈ ዐለ፡ ሽባን ብሩር እንዴ እት ጌማም አተው እት ክል ጅግረ እግል ልሻርት ወመቅደረቶም እግል ልወቅሎ ባብ ለአርሐባ ወለኣከደ ገብኦ።

ሻብ እግል መስተቅበሉ አልኣኖኬ ምን ዐባዩ ሐወ ለልታኬ ወገቢይ ራትዐት እግል ልንሰእ ለትሰድዩ በዳሪት ውዛረት እዕላም ክም ተመት ወአዳም ክም ተህራበብ፡ አኬመ ምን ክድመት ወአትራሓብ እግል ጋሽ ይኣባረው ምነ፡ እሶረሮ እት ልብሎ ወለኣበልዎ ዮም 18 ዲሰምበር ሰነት 2016 ጋሻሆም አሰክለ ምነ መጽዮም መዲነት እብ ሕሽመት ወሽረፍ ሳርሐው።

ሽባን አሳስ መትቀዳም ውርስ ወሕድርናት ክምስልቶም ለኣከደው ሽባን መለብሶ ጋሻሆም ሕሩብ ጸግብ ወራክብ እት እንቱ ለሰፈር ክም አንበተ ገርብ ክሉ ትሰራበበ ወትሰፋለሉ፡ እግልሚ ሽባን ምን እግልዬ ግልክ ወምን ጽጋብዬ ጽጋብክ እት ልብሎ ሰዋልፍ ቀዳምያት ለትሰርገው ሰበት ዐለው ቱ።

ሽባን መለብሶ ልትዋሎም ወገይሶ እት ልብሎ እብ ደሐን ለሀበኩም ለአንበተ ሄራር አሰክ መዲነት አሰመረ እት ታሪክ መዐሉማት ዓም እብ ህግዩ ትግራይት ሐቱ ሐዳስ ምዕራፍ እንዴ ቀቀለ ከበሰ ፋግር ህለ።

እግልሚ እሊ ቁቀል እሊ እት ክእነ ለመስል ድዋራት ለነብር ሽባን እት ክእነ ለመስል ጅግራ መዐሉማት እንዴ ሻረከው መቅደረቶም እግል ልታይዮ ወልኣምር በክት ለሀበ ሰበት ገብኦ።

እሊ እብ ድረጀት ወጠን እንዴ አምበተ እት አቅሊም ወምነመ እት ምዲርናት ለአሻርክ ለዐለ በርናጅ መዐሉማት ዓም ዮም ዓመት እግል ሰልፍ ኢነት፡ እት ደረጀት ዳሕዩት እንዴ ትከራ፡ እግል ደረሰ ሐቱ መድረሰት ለአሻርክ እት ህለ፡ ሀደፍ እሊ በርናምጅ ምን ገቢል እብ ገቢል ወእግል ገቢል ክምቱ ሽክ ኢት ወዴ። መለብሶ ወሽባነ ህዩ ሰመዕ በሲር ናይ እሊ ገብኦው።



ልባብ

ሐምስ ለለአትፈክራ ሐቀይቅ

- እግል ተከራካሪም ለትቀድር አንፋር፡ እትለበዝሐ ወቅት ጸጋያም ወአሚናም ወጥልም ለኢፊቱ ክም ቶም ልትአመር።
- ወድ አደሚ እብ ቅሳስ ረገበቱ እንዴ ትነሰአት ረአሱ ምን ገርቡ እትለ ልትፈንቴ እቱ ወቅት፡ ለነፈር እግል መደት 25 ሳንዩት ዕንታቱ እት ረምሽ ወእት ለሐሰብ ጸኔሐ። ወሐቀህ እት ቁብ

መዕሉመት

- ወድ አደሚ እት ሐሩቀቱ ለትመለከ እት ሳዐት ክሉ-ረእሱ ኢተአትዕሱ፡ ምናተ እት ወቅት ሐሩቀቱ አከይ ዘዐት ለበልሰ ዲባ አውመ ጌገ ከዋወት ለነሰአ እት ሳዐት ምን ቅያስ ወለዐል ተአትዕሱ። ወእት ለበዝሐ ወቅት ክል-ዶል ምስል ደሚርን እት ለአትብእሳነ ለነብረ፡ እት ወቅት ሐሩቀት ወቀጽብ ለእነሰአም ቀራራት ወእት ክምስልሁ ለእንብሉም ወእንወደዮም ጋራት ቶም።
- እለ ምን ገብአት ቱ ሓቅር እት እንተ ለገብአ ልግበእ ቀራር ኢትንሰኡ፡ ወፋሬሐም እት እንተ ለገብአ ልግበእ ገለድ ኢትኡቴ። እግልሚ እብ ሽዑር ለልትበገስ ሽእ አክረት ሰበት አለቡ።

ምስል ነፍሲያት ለገይሰ መዕሉማት

- ጀኔታይ ሓዲስ እትለ ትወልድ እቱ ወቅት፡ እሊ ጀኔታይክ አስክ ሰነት አዳም በጼሕ፡ እንተ እግል ርሕክ እብ ምግባይ ወግም እግል መደት ስስ ወሬሕ ምን ሰካብ እግል ትሕረማ ቱ።
- ሰካብ ግሩም ወራሐት ለብዲቡ ዶል ትሰክብ፡ ግርመት እግል ትወሰክ መቅድረት ዓባይ ህሌት፡ “እሊ ህይ እብ ሰብብለ እት ገኖበት ለሀለ እሉ ርኡይ ተእሲር ቱ”።
- ለእሉም ተሐቤዕ አውመ እግል ብዕዳም እግል ተአትአምሮም ለኢተሐዜ

ለአቴ ወመይት።

- ዶል ፈርሀት እዘን የም አለቡ ክርክዕ ሰጥጥ።
- ወድ አደሚ መዛጃ እትለ ልትሐምረግ እቱ ወቅት፡ ደለ መጸዩ ሰአላት ለጀግቡ ክም ኢለአምሩ ለአተምሰል።
- እብ ወግም ክለን እት ደምቀትለ አዜ ለትወለደ ጀኔታይ ለልትረከብ ጭገር ልትከፍከፍ፡ ወክል ምኑ ከእብ ብዕድ አስክ ሱስ ሽሀር እግል ልጽነሕ ለቀድር ጭገር ሐዲስ ልትበደል።

ሰኔ ቃለ ላቲ ነባዬሕ

- ሰ ላ መ ት ትትሸነህ ገብአክ ምን ገብእ አቅላጥ ብዕዳም ከፎ ክም ትቀረአን ወትደርሰ ምነን ተዐለም።
- ጃህል አተንሴክ ምን ገብእ፡ ለሕክም ክሉ እት ዐቅልክ ብለሱ ወንሳልክ ምለክ፡ ወእለ ለትሰረረት እግል ለአሂነካ ቱ።
- ሀ'መት ምን ተየልል ፈንጉሕ ሐበትመ ኢትበድል..እለ ዮመቴክ ሌጠ ተሐምርግ እትከ።
- እዲነ ሐት-ሐቴ ዶል እግል ናቅሰ ተአፈይድ.. ከለ እት ህሌክ ደረጀት ብዞሕ ኢትፈገዕ እለ።
- ግርመት አማን.. ናይ ንዩት ሳፍየት ወክብድ ሳርሀት ግርመትተ..ከንዩትና ትሰፊ ወክብድና ትብረህ።

ዝበድ

ዝያታት

ቀዳሚት ወላ መራርመ ምን ተዐሌ ሰፍላል ክም ተሐድግ ሸኽ ለአለበ አማን ተ፡ ምናተ ወለ ጥዕምመ ምንተዐሌ ክሉ-ኩሉ ረአሰ ሐር ላተ ኢትትወለብ።

በህል እመራም

- ለእሉ ትርኢ ክሉ ጽላል ሓሳባትካ ቱ (እብራሂም አል ፈቂህ)
- የሀልብ ሰእየት ኢትብተክ፡ ምን ኬንለ እብ ዕነ ለይእንርእዮም ተየልል ምስተንክር ሀለ። (ጀላል ለዲን አሩሚ)
- መን አመረ እዲነ ምን ምፍራቅ ሾመት ለትጨብብ እትከ ወቅት ለሀሌ ገብእ..ከአዚም ሌጠ እግል ትሕሬ ትትቀሰብ፡ ምናተ ዐቅልክ ላቱ ምን ጩጭ ኢበጥር። (ሞንተሴኮ)

በህፔ

- ደለ እግል ትቅተሰኒ ለኢትቀድር ድቁብ በዐል ሐለት ትወዳኒ።
- ክል ዶል ደረሳይ እት እንተ ሐቆ ነበርኩ፡ ፈድል እስታዝክ ትበሬኩ።
- ግርመት አደብ ሰኒ ትሰእን ትገብእ፡ ምናተ አደብ ሰኒ ላተ ግርመት ኢለሐግል።
- ውላድ አደሚ እብለ ትፈናተ ሰፋቶም፡ ወአክላቅያቶም፡ ወአደሶም፡ ወጠባይያም እግል ትትዓመል ምስሎም፡ ሰብር ድቁብ ለአትሐዜ። ወዶል ዶል ህይ ምን ኬን ሰብር እንዴ ሐለፍክ እት ተአምር እግል ትትቃፈል ምናም ብዲብኩ።
- እግል ለገብአ ልግበእ ነፈር፡ ምስጢር አናቤዕክ እግል ተአትአምሩ አለብኩ። ሰበቡ ከፎ ክም ለአበኬክ እግል ለአምር ቱ።

ክበርክቢ

ምን መናፌዕ ተበሰም አው ሰሓቅ

ሰሓቅ አፍካርን እግል ለአፍይሕመ ነፊዕ፡ ዲመ ፋርሓም ወልውቃም ክም ሕነ ለለሐብር ህይ ሰሓቅ አው መትበርሸእ እግል ልትፈንቴነ አለቡ። ሰሓቅ ዓፍየት ወራሐት ደሚርቱ።

ሰሓቅ ማል ለአክብ እግልከ። እግል መሰል እት አካናት ብለዕ አው ስተይ ለሸቁ ወይተርሰ እበ ለ አ ር ኡ ወ ተበሰም ዝያደት ተ ሐ ድ ግ ወዱ። እሊ ህይ እብ ሰሓቅ ገጽ ዶል ምስለ እብ ገጽ ለ ል ት ከ በ ተ ከ እብ ሐቴ ዕን እግል ትርአዩ ኢትቀድር።

እብ ፈድል ሰሓቅ ብዝሓም መሳኒት ወፈተች እግል ትክለቅ ትቀድር። እግልሚ ገጽ ፋሬሕ እግል ክሉ ሰበት ረዩሕ።

ሰሓቅ መዳየገት ወሸቀላት እንዴ አንቀሰ፡ ዝያደት እብ ራሐት ወለውቀት ክምስል እንሸዕር ለወዴ እብ ማል ወርምቅ ለይእንረክቡ ማል ሐላልነ ሰበት ገብአ ምን ሰሓቅ እግል ነውሕድ አለብነ።

ቁበሰም

ዎሮት እግል ልህዴ ሐዘ። ሐር እሙ “ለእለ ተሐዜ እሲት ከፎ ለትመስል እግል ትግበእ እግልክ ትፈቴ፡ ውሰፊ እግልነ” ቱለቱ።

ህቱ ህይ “ጸዕደ ወረያም ወለትትወለዕ እግል ትግበእ ብዲብ” ቤለየ...

ለዐዱ ህይ አምዕል ሓሪት ተላጀት ትዛበው እሉ!!

ምነ ለአትፈክሮ ዓዳት ወለመድ ገባይል

1- ብድረ አትካፍኦት ገጽ እለ ናይ አትካፍኦት ገጽ ብድረ እለ ዲብ ብሩር እንግሊዝ ትትጋየሱ። ለብድረ ምን ሰነት 1267 እንዴ አንበተት አስክ እሊ እዋን እት ሰነት ሰነት ትገብእ። ለመትቤድረት እግል እስእን ፈረሰ እትለ ገጽም እንዴ ሎሸው፡ ለገጽም ክም ከፍእ ልትጸገጥ። ወዝያድ ምነ መትቤድረቱ እንዴ ከፍእ እግል ልትረኤ ለቀድረ ነፈር እግል ጃእዘትለ ጅግረ ልትከበት።

2- መንበረት ምስል ማይታም

ዲብ እንዶኔሲያ የም አለቦም ፍክር ወዐጀብ ለለአበይኦ ዓዳት ወለመድ ህለው፡ ከምነ ፍንቱያም ዓዳት መለመድ እት መንጥቀት

ትዋርጃ ለልትረአው፡ አዳጥም ሞተ ምን ገብእ፡ ለጀናዘቱ እግል መደት አውረሐት ምስል ቅሩባሙ ላቶም አዳም እት ሐቴ ምነ ቅረፍለ ቤቶም እት ነብር ትጸኔሕ።

3- መርዓት እንዴ ረፈዕክ ረአሰ ገሀር ትካይድ

ዲብ ሲን ህይ ምነ እትወቅት ህዳይ ለልትረአው ዓዳት ወለመድ፡ መርዓዊ ቤትለ መርዓቱ እንዴ ኢለአቴ፡ እት ሰልፍ ለመርዓቱ እንዴ ረፍዐየ ረአሰ ገሀር እግል ልካይድ እበ ልትቀሰብ። ወእለ ዓደት እለ ፈረዕ ዕዉት እግል ለአሰሶ ለተአቀድሮም ዓደት ተ ልብሎ።

4- መርዓዊ ወመርዓት



እስኩክ ሐያት



እሊ ምን ገብአቱ ዲብ እለ እዲን ዲብ ልትገህፍ ለነብር። ለእበ ኢለዐሬ እግል ለአንጥጥ ለጀርብ። ክምሰለ ሐልያይ ለቤለዩ።

“ለገብር ግምሽ ልትሃጌ - ባጥር እንቱ ረአስ ፈራብ አውሐድት ልብል እት ውላድ - ወአውሐድት ልብል እት ተዋብ ለነፍስ እንተ ጥበጢት - ለክመ ክሪት እት ግራብ ሀይን እቱቱ ለዐመሮት - ወሀይን እቱቱ ለረብራብ ሀይን እቱቱ ለአተግወሐት - ወሀይን እቱቱ ለአትወራብ

አብያት ኢተሌነ ወለ ሳደዶቱ ንዋይ ኢተሌነ ወለጫገርቱ ወድ እም ኢተሌነ መሕበር ለዐገሎቱ ውላድ ኢተሌነ ወለአትፋረሐቱ አሮ ኢሀበዩ ሐዮት እምበል

እተሀቡ አምሸሽ ምኑ ወትረስዑ። እት ሐያት ለትሳድፈክ ትግቢት ህዩ እብ ኤማን ወሰብር ተዐደዩ። እተ ሐልፈ ኢትተዐሱ ሐልፈት ክምሰል ማይተት ሰበት ገብአት ምን ትተዐስ እታመ ክሉ ረአሱ ኢትትወለበኩ። ሐያት ህዩ ክምሰል ትበሀለ ዶል ፈረሕተ ወዶልመ ከረሀ። መብዝሐ ዶል ላኪን ክልኢቱተ። ሐያት ገጽ ቀደም ለለአተርር ዐጀል ተ። ለሐልፈት እት ላቅስ



ኖሱ ሕዶድባይ ጨቢብ ወክርበኖቱ ተሐሰብኩክ በዐልዩ ምነ ቃዩሮቱ

ሐያት መታክል ወሀዲተ። ዕምራመ ሐጨርቱ። እርደት እንዴ ገብአት ለትከረዐክ ህዩ እብ ሸፋግ ተዐደዩ። ሓለተ እግል ትሰመዕ እብ መልሃይክ አተንሰዩ። ፍቱ እተ ወአፍቱ። ፍረሕ እተ ወትለወቅ። ክሉ ረአሱ ገሀይ ወሰርቤብ በክት



ገብአ እተ ናይ በልሸም ኢነተ ክሉ ለለአፈሬሕ አፍዓል እግል ንፍዐል እተ ለአስትህለነ። ሐያት ከደምካህ ምንገብእ ህታመ እግል ትፍቱክቱ። ሐያት ጥዕምተ። ሐያት ወሀበትተ። ሐያት ሐጫርተ። ሰበት እሊ ሐያት ፍቱ ወእብ ሐያትክ ትመተዕ። እግልሚ ሐያት ፍቱት ሰበት ገብአት ፍተዩ ላኪን ኢትእመኑ። ገደሲት ወሐላፊት ክምተ ኢትቅዌ።

ሐያት ሕርያን ክሉተ። ሰኔት አው እኪት ራዐት አው ጌጋተ። ሐያት ወሀበት ሰበት ተ ኢተአምሸሽ ምኑ ሐያት ለዘተ እግል ተአዳውር ክተቡ። ሐያት ለተአክሰብ ዐጀል እዲን ሰበት ገብአት ምስተቅበልክ እግል ትጠውር እተ ክደመ ወእበ እሉ ሀበተክ ፍሬ ጋንዕ ግበእ። እት ሐያት ለልትገህፍ ህዩ ፍንጌ ለሀ ወለሀ ተርፍ። ሐያት ለትመጽእ ወለትገይስ ክምሰል ተ እንዴ አመርክ አስክ ህሌት ምስልክ ትመሳኔ ምስሉ። ላኪን ኢትትሀመል እግሉ። ዶል ኢዶለ እግል ትትበሬክ ሰበት ትቀድር ህዩ ሕሳብክ እት ወዴ ከታለዩ።

ለአማን እለ እት እንታ ቲሪም ወትሕጨር ለሐቂቀት እግል ነአምረ ብነ። እት ነአምራ ላኪን ክምሰል ኢነአምራ እንዴ ገአነ እግል ንቅረብ እንጀርብ። እት ክል ምዕል ዲበ ሳድፈነ ወኖሰነ ለእንክልቁ መሳድድ እግል ንትዐዴ ዲባ እንፈግሩ ወንትከረዩ ነይ ሐያት አስሉል ዲብ ነአምሀድን ለኢትተርፍ ሞት ለንትረሰዕ ዲቡ ወክድመ ለሀሌ ገብእ። እሊ ልትበሀል እት ህለ ለክሉ ቡ ጽጉብ ወለ ሐቱ አለቡ ሓግል ለኢትምሕክ ሞት እንዴ ትረሰዐክ እግል አምዕሉ እንዴ ተመት ለትሳረሐ አደሚ እግል ነዐርዩ ክምሰልቱ እት ነአምር ሐቁ ወሕቼ እት ልብሉ ለላቅሶ አንፋር። አመት እንዴ አለቦም እት እዘኖም እንዴ ሸአግነ “ወእርወሐትኩም ህዩ ትረሰዐኩማ አፎ ኢትላቁሳ” እንዴ እምቤ ምን ነሐሽክሸክ እሉም መን አመረ እብ ሐሩቀት ወቀሀር ዲብ ለርዐዱ ሐቱ ምን እለ እዲን ለትሳረሐነ ቡንዩት ወኢሐገልነ ምኖም ገብእ። እግል ሚ ሞት ፍቱት ወርዲት ሰበት

ኢኮን።

ማል ለእለ በዝሐ ምን በዝሐ ሞት እንዴ ተዐደ እግል ሊጊስ ሐሊት ወደቅብ አለቡ። ላኪን የምክን አስክ በዐሉ ህለ ዝያድ ወድ አዳም እግል ልሸነን ቀድር ገብእ። ምናታ ለቱባዩ ላተ እሊ ክሉ ጁቁፋ ለዐለ ማል ሳንቲም እንዴ ኢረፍዕ ምኑ ክምሰል አመቱ ለመለክ ግርጉር ዲብ ጌልሉ አስክለ ተግህጽ ሕፍረት ለአሸክቱ። ላማ ሐቱ አለቡ መስኪናይ ድቡር ምን ድብር እግል ለአባሬ ምስል እዲን ዲብ ልትገሐል ወልትጋደል። ዮም ማፈጅር እግል አባሬቱ እት ልብል ወልተም። ምራዱ እንዴ ኢረክብ ወእተ ሐሰበዩ እንዴ ኢበጽሕ። አመት እንዴ አለቡ አነ ወደሐንዩ ዲብ ልብል ለክሉ ትትለቀም ሞት ለፈች ተአብሉ ከትገልዩ።

ጠቢዐት ጸጋይት ተ። ሰበቡ ክምሰል እግል ንትከለቅ እግል ኒመትመ በክት ሃይበትናተ።

እግል ንውዴ ምንዲ እንቀድር ለእግል ልትከለቅ ለቀድር ጅሀድ ምን ናይ ደንጎባ በዳ ወፈነ ወድ አዳም ለቀልል ወለነአሽ ክምሰል ገብእ ልብ ወከሬነ ዐልነ። ለኢትምሕክ ሞት ህዩ ክምሰል ፈታይትነ እንዴ ረኡነሃ ዲበ ናይ በልሸም ሐያትነ ሕድ ዲብ ነሐሽም ወሕድ ዲብ እንረፍዕ እግል ንንበር ወአስተህለ። ኢፋልዩ አነ ዲመ እግል እምበርቱ እምብል ሐቆ ገአነ ላኪን ሐንገል ወለፍክር ምስልነ ሰበት ህለ ንጀርብ ነቲጀቱ ህዩ ሐሬ ምስል እንርእዩ።


አሰሉል ሐያትነ አስክ ለአክትም ላኪን መስኩብት እንዴ ሐገልነ ሰብር ወሰእዮብ እንዴ ተዐንደቅነ ፈንጎሕ ክምሰል እመይት አመራም እት ሕነ ክምሰል ዶኢመርነ እንዴ ገአነ ምስል ክሉ አፍካርነ ዲብ ንትከሐድ ዳይማም ክምሰል ዶሕነ ዲብ ነአምር ክምሰል ኢነአምር እንዴ ገአነ እት ቀደም



አምበለ ገብአ ልግበእ ዐውል። ለእግል ክሉ ረይሕ “አቤኮ ይእመይት” እንዴ እምቤ ዲመ እግል ንንበር። አምር እንዴ ረከብነ። እበ ትትቀደረኒ እግል ነጀህድ ወእግል ንትጸገም ሰምሐት እግልነ። ላኪን ኢገብእ እግልነ። ግረ እላመ ምንገብእ እበ ትትቀደረኒ ምን ሞት እግል ንህረብ ጠቢዐት ቆላ ኢበደለት። እበ አማን ህዩ እብ ተጠውር ቱክኖለጂ ወድ አዳም እንዴ ኢመይት ዲማ ክምሰል ነብር

ዓለም ብዕድ እግል ንምሰል ጀረዐት። ግምሽ ሰበት ገብእ ክልነ ወላድ አድም ወሓው። እብሊ እንዴ አመንነ ወልብ እንዴ ከሬነ ሕድ ዲብ እንረፍዕ ወሕድ ዲብ እንፈቱ። ሕድ ዲብ ነሀይብ ወሕድ ዲብ እንሰንድ ዲብ እሊ ናይ በል ሸም ዕምርነ እብ ፍቱ ወሐምዴ ሕድ ንንበር። ሕድ ንርሐም። አይዋ ክልነ ለብነ ወለአለብነ ሓግላም ሓያት ሰበት ሕነ ወላማ ኢትምሕክ ሞት እግል ክልነ ሐቱ ሰበት ገአት።

Life is about change, sometimes it's painful, sometimes it's beautiful, but most of the time it's both.



መራቶን አቅሊም ምግብ



እግል 13 እዳራት ደዋርዬሕ አቅሊም ምግብ ለወክል መአምብተት አትሌታት ምነ ቀደምም ለዐለው ዐባዩ ሐምም ተጃርብ ለለአውረሰ እብ አላፍ ለልትዐለቦ አጀኒት ደረሰ ምስል ሰዐይ ዲብ ሸዋሬዕ ዐባዩ አስመረ ለአትሌታት እግል ብዝሓት አንሳት ለአሻረኩ እብ ዓመት ሰምበት ዐባይ ዮም 18/12/2016 አምዕል ጋምለት እት እንተ ወዐለት።

መጃግረት ዐቢ ወለለአተግኔዕ ጅዋእዝ ዲብለ ትየመመ እቱ ጅግረ 42 ኪሎሜተር መራቶን ውላድ ተብዕን፡ የውሃንስ ገብረግርግሽቱ እንዴ ደምቀ ለወዐለ። ህቱ እግል ደበሳይ ጸጋይ ወፔትሮ ማዋ እንዴ አትዐራቱ እለ ደረጃት እለ እግል ልጽበዋ ለቀድረ።

ዲብለ ክምስል ከረ ንጉሰ አምለሶም፡ ዳዊት ወልደሰላሴ፡ አማኑኤል መሰል፡ አብራር ዑስማን፡ ጎይትኦም ክፍሌ፡ ተክለማርያም መድሕን ላቶም ሰብ ውቅል ተጅርበት አትሌታት ዲብ መንገአት እዳረት አቅሊም ምግብ ዲብለ ትክጠጠ መበገስ ዲብለ ሐድረው እተ ኢነት አትሌታት መጅብ እብ ሕበርቶም አስክ 10 ኪሎሜተር (እብ ሚዳን ሄለል ሰብተምበር- ማይጨሆት) ከርስ እንዴ አተው - ፊንላንድ ሚስዮን ቀሐውተ) አበለው።

ዲብለ ንጉሴ አምለሶም ክምስልሁመ ዳዊት ወልደሰላሴ ለዋለው ብድረ አትሌታት ምን ቀሐውተ አስክ ጎዳይፍ እንዴ ትሎለበው፡ ምኑመ አስክ ኤክስፖ በጽሐ ከመርበዮም አስክ አብያት ሰምበል ወደው። እብ ሃይወይ እንዴ ሐልፈው ህይ ዲብ መቅበረት ምሔርበት አስመረ ሸበው። ዲብ እሊ ወክድ እሊ ብዝሔ ናይለ ምቀደም መረሐ ለዐለው አትሌታት 20 ዐለ።

እብ ስታድዩም አስመረ አስክ ማይተመናይ ወዐዳገ ሐሙስ ለበጽሐው አትሌታት መርበዮም እብ ሺዩጅደ አስክ ምህራም ጭረ እንዴ ወደው አክርዮ በጽሐው። ዲብ ሚዳን ኩረት እግር ከነመ ህይ ንጉሴ ምንለ ብድረ ትወርከ።

እብ ዐባዩ ሸዋሬዕ አስመረ ለሐልፈው አትሌታት፡ ብድረ

እግል ትትመም ኪሎሜተራት ሐድ ክምስል ተርፈ ምነ ጆርቤ ዛይደት ወደው። ለዲብ ባካት አንዱ ሰምበል እብ ዕሳስ ለትጆረበው አትሌታት እብ ሻሬዕ ምናድሊን አስክ ሻሬዕ ሹሀደእ እንዴ ትወለበው እብ ሲቲፓርክ እንዴ ትለውለው መርበዮም አስክ ስታድዩም አስመረ ወደው።

ለሰዐይ ህይ ግድለ ፍንጌ ተስፈማርያም ወፔትሮ ማዋ መረሐም ለዐለ ክምስል ክረ የውሃንስ ወደበሳይ ለለትዐጅብ ዐለ።

ሓርያይት መጅሙዐት እብ የውሃንስ ወደበሳይ ገያደተ እንዴ አዜደት እግል ተስፈማርያም ወሐጠቱ። ለብድረ እት መክለስ የውሃንስ ወደበሳይ ዝያደት ገያደት እንዴ ወስከው ምን መጃግረቶም ገጽ ቀደም ተሀርበበው።

ዲብ ገጹ እሻረት ተዐብ ለኢትረኤት እቱ የውሃንስ እት ባካቱ እግል ዐለ ደበሳይመ ነዳይቱ ክምስል ለርእዩ ወደ። ምስል ወቅት እት ልትባደር ህይ ፍንጌ ክልኢቶም ጋግ ፋዩሕ ትከለቀ። እምበል መትሓውላይ ህይ ዲብለ ናይ ደንገበ እት ስታድዩም አስመረ ዱሎይ ለዐለ ከዋ መትመዋ ገጹ አለምበ።

አትሌት የውሃንስ እግል ናይ 42 ኪሎሜተር ብድረ እብ 2 ሳዐት ወ 23 ደቂቀት 01 ካልኢት እንዴ አተመመ 60,000 ነቅፈ ጃእዝት ረክብ እት ህለ፡ ደበሳይ ጽጌ ህይ እብ 2 ሳዐት 23 ደቂቀት 09 ካልኢት ካልኣይ

ፈግረ። ናይ ዐለም ሻምፕዮን ሰዐይ ደብር 2016 አትሌት ፔትሮ ማዋ ህይ እብ 2:24:17 ሳልሳይ ፈግረ።

ራብዓይ ተስፈማርያም ክፍለማርያም፡ ሓምሳይ ለምለም ጥዑማይ፡ ክምስልሁመ ሳድስ ከሕሳይ ኪዳኔ እንዴ ገብአው ለዳለ እሎም ጀዋእዝ ሰላዲ ነስአው።

አዋልድ አንሳት እትለ ጅግረ እለ ናይ 21 ኪሎ ሜተር ትባደረየ። ዲብለ ናይ ሰር መራቶም ብድረ አትሌት ኮከብ ተስፋጋብር ተዐወተት። ህተ ለዐውቱ እንዴ ሰጆለት መዳልየት ደህብ፡ ካስ ወ21,000 አልፍ ነቅፈ ጃእዝት ተሀየበት። ዮሃን ዮማኔ ህይ ካልኣይት ደረጃት እንዴ ፈግረት 15 አልፍ ነቅፈ ትነስእ እት ህሌት ልኡለ ወልደገብረኤል ህይ 10 አልፍ ነቅፈ ትከበተት።

ኪዳን ተሾመ፡ ለምለም ወልደብርሃን ወመድህን ተስፈየውሃንስ ህይ አስክ ሱሳይት ደረጃት ናይለ መሳፈት ለጸብጠየ ዐለየ።

ዲብ መትመዋ ናይለ ጅግረ መስኡል ፈሬዕ መፈውድየት ርያደት አቅሊም ምግብ አስይድ እንድርያስ አምሰሮም ለብድረ ፈድል ሰብ ሸርከት ጀሃት ሰርግልት ክምስል ዐለት እንዴ ሸርሐ፡ አተላለየ እግል ልትኣከድ ክል ነፈር ተረቱ እግል ለዓቤ ትላከ።

ሐድ 200 መመቅረሐት፡ ዳንያታት እብ ዓመት እግል አትሌታት ለተሐደረው አንፋር

ለሻረከው እተ ጅግረ መርከዝ መራቶን የም አለቡ ለልትሐመድ ጀዋንብ ዐለ እቱ። እለ ጅግረ እለ እግል ብዝሓም አንፍር ዲብ አትሌቲክስ ገጸም እግል ለአቅምቶ ለለአትናይት ወዌርሰት ለለአፈሬ ወሰዴ እት ረአስ ግብአቱ ለእብ እስትቅላል መራቶን ለትትአመር ሐቱ ዶል እት ሰነት ለትገብእ ብድራመ በደለ እንዴ ገብእ እግል አትሌታት ብዝሓም እት ለአሻርክ ትረአ።

እለ ብድረ እለ ናይ ሰልፍ ሰርግልት ምንማተ ገሌ ነዋቅስመ ኢተሐገለ። ብድረ ለትገብእ እተ አምዕል እብ መትቀያረ እግል ገሌ አትሌታት ለነፊዕ ምንመ ዐለ፡ እግል እብ ንዝምት ገበይ ልትላመዶ ለዐለው አትሌታት ላተ ናይ መትላማድ ዕረጎ ትክረዮ ክልቀ እቶም። ዲብ መበገስ አካን ለዐለ ናይ መትበጋስ ዐመልየትመ ለትትሐመድ ዐለት እግል

ትትበህል ኢትቀድር። አትሌታት 5,000 ወ10,000 መትር፡ ዲብ ስታድዩም አስመረ እብ ሕበር ብጽሐቶም ህይ ናይ እሊ ፍገራት ቱ።

ለካልኣይት ምሽክለት ናይ እለ ብድረ መራቶን አትሌታት ለለሐልፎ እቡ ሸዋሬዕ እብ ዋዴሕ ሰበት ኢተሐበረው ዲብ መለዋሊት እት ልትሸከት ለሐልፎ ዐለው። “እበያቱ ለንጠዌ?” ለልብሎ ሚርሐት አትሌታትመ ኢተሐገለው።

እምበል እሊ እት ባካት አንዱ ሰምበል ለዐለት ገበይ ጨበል ምስለ ዐለ ውልዋል እብ ዕሳስ እንዴ ትገልበበው እግል ብድረ መራቶም ሰዐይ ከደን እግል ለአምስሉ ቀድረ። ምስል እሊመ ምስል ብዝሐ ወመታራፍ ናይለ ዲብለ መራቶን ለሻረከው መሻክል ሐረከት በህለት ተራፊክመ ዐለት።



ሳው፡ ጅግረ ርያደት ገብእ

እብ መትዓዋን ውዛረት ተዕሊም ወመርከዝ ተድራብ ወክድመት ወጠን ሳው ገብእ ለአስመነ ጅግረ ርያደት ወአትፋዘዕ ዓፍየት ተ'መ።

እሊ በርናምጅ ዲብ ሳው እግል ካልኣይት ኢነቱ ምን ዮም 11-17 ዲሰምበር “ሕማም ዋገዕ እግል አስረቶትት ወዳፈፈየት ድዋራትን አነአንድፍ” ሐንቱ ትብል ሰቅራት፡ ጅግረ ርያደት በህለት (ኩረት እግር፡ ኩረት ሰለት፡ ቦሊፕል ወአትሌቲክስ) ገብኦ።

ዲብ መክሰቲ እለ ጅግረ ናይብ ቃእድ መርከዝ ተእሂል ወክድመት ወጠን ሳው ሌ/ኮ ተመስገን ሳምኤል እግል ዓም ሀደፍ ናይለ ሳምን ተወዴሕ ሀበ።

ሙዲር መክተብ ወዛረት ተዕሊም አስይድ መሓሪ መንግስተኣብ እብ ጀህቱ፡ ለወራታት እብ ሰፋየት እግል ልግበእ ጅህድ ዛይድ እግል ወደው አንፋር መርከዝ ተድራብ ወክድመት ወጠን ወመክተብ መድረስት ዋርሳይ ይከኣሉ ሐመደ።

ዲብለ ሳምን ጅግረ አትሌቲክስ 100-3000 ምትር ጋብእ ዐለ። እብ ዓመት 29 ንቅጠ ለሰጆለ ፈሪቅ መቃሌሕ እብ አዋልድ አንሳት አወላይ ፈግረ። ፈሪቅ አማል ህይ እብ 34 ንቅጠት ዲብ ጅግረ ውላድ ተብዕን ተዐወተ።


ዲብ ፕሊሶል አዋልድ ፈሪቅ መስል ልትዐወት እት ህለ እብ ውላድ ህይ ፍሪቅ አልጌነ አወላይ ፈግረ። ፈሪቅ መቃሌሕ ናይ አዋልድ አንሳት ዲብ ኩረት ሰለት ተዐወተ። ፈሪቅ ታይገር ናይ ውላድ ተብዕን ህይ አወላይ ፈግረ።

ዲብ ኩረት እግር አዋልድ አንሳት ፈሪቅ ደንደን መሬሕ እት ህለ፡ ፈሪቅ ማዋስ ናይ ውላድ ህይ አወላይ ፈግረ።

ፍሪቅ መቃሌሕ ናይ አዋልድ እብ ክሉ ጅግራታት አወላይ፡ ፈሪቅ አልጌነ ናይ ውላድ ተብዕንመ ሕድ ለሸቤሕ ደረጃት ጸብጠ።

ግረ እሊ ለተዐወተ ፍሪቅ ምን ናይለ መዕል ለሀ ናይ ሸረፍ ዕዱም ወዘር ተዕሊም አስይድ ሰምሬ ርእሶም ወብዕዳም መስኡሊን ካስ ወናይ ሰላዲ ጀዋእዝ ትከበተ።





መቀየሲ ግርመት ከትከትፈናት መጀመሪያ



በጠላት ወቅት አባ ግርመት አሮት ነፈር ንትሃይ እት ህሌነ ፡ ለንትነፈሕ እቡ መቀየሲ ግርመት ምን ነፈር እት ነፈር ወምን መጀመሪያ እት መጀመሪያ እግል ልትፈናቱ ቀድሮ። ሰበብ ህይ ግርመት እብ ዕን ርያየ ሰበብ። ከምን መጀመሪያ እት መጀመሪያ መቀየሲ ግርመት ርእየት ለጤ ለኢጉብኣት እብ ዓዳት ወሰመድ ናየ መጀመሪያ ጉብኣ።

ጃፓንዬን ፦ ግርም ለልቡለ ወሰን፡ ሐጫር፡ ሕብረ ጸዳይ፡ ክርንተ ድህርት፡ እገራተ ንኣይሸ ወእብ ደፋየ ለትግይስ ወለትተ። ለጠላው አሮብዬን ህይ ፡ ብጥረት ዐርትባይ፡ ቀጣን ወስኩክ ከፍፍረ ወለት ግርም ልቡለ ወልተምነው። ጽልም ለኣግደ መቀየሲ ግርመት አፍሪቃ። እግል መሰል እት ድብስ ኮንጎ ልኮብሮ ቀባይል፡ ብጠላ ስመይ ወለት እብ ቅያስ ጽልም ቀርቡተ። በሀለት ሰኢ ጸላም ትከትን ጉብኣት ምን ጉብኣ ስመየ ሰኢ ቃሲ ጉብኣ። እግልሚ ጽልም እብ ዓዳቶም እሻረት ግርመት ወውላድ ሰበትተ። ምን ክሉ ለለኣትዐጅብ ህይ

እት ሰብ አፍሪቃ ሪም ግርመት ኢመተሐባቡ፡ እብ ድድ እሊ በርሐት ምን ለዐል ረዩም ሸለለን ጠለብ በን። እት ዐድነ ኤረትርየ ላኪን “እሲት እምበል ሸለል ወቡን እምበል መሪር” ለትብል መሰል እግል እሊ መቀየሲ ግርመት አፍሪካ ትግርድ። እት ግብለት ሶዳን ለልትረከብ ቀባይል፡ እት ገጽ ውበዕድ ክፋላት ገርብ እግል ቀብሊተ ወደረጀት ቀብሊተ ለሰርሕ አሻይር ክም ግርመት ልትነሰኢ። እግል መሰል፡ ወለት ዳንክ እግል ክሉ ገጽ እብ መትከስ ነኣይሸ ንቃዋ ወዱ እተ። ወለት ኑዌር ህይ፡ እት ገጽ እብ ታኪ ወ ወጋድም አሻይር ወዱ እት በሀለትተ። እት ማውራታዊ ህይ ዐደድ ግርመት አንሳይት ወ ብጠላ ስመየ እብ ግዝፈ ልትቀየድ። ምን እሊ እንዴ ትብገሰው ህይ እሰር ማውራታዊ እግል አዋልዶም ምን ዐደ ወሰዐል ለአበልዕው። እሊ ክእኒ እት እንቱ እት ቲበት ወምንጎልዩ፡ ሪም ሰጋድ ክም ግርመት ሰበት ልትነሰኢ፡ ኩላን አዋልድ እት ሰጋድን አክዋድ ወለ መሰሉ ካትም ለመሰል ለኣትየ።

እት ሸብ ኤስኪም ወቀይሐት ህንድዩን መቀየሲ ግርመት እብ ጸነ አፍ ፡ ነፍስ ወጭግር ቲ። ሰበት እሊ ኩለን አዋልድ እሊ ሸብ ጸነ ሰኢ ለቡ ቀጠፍ መቸረ ወእት ገርቦን ሳምተ። ለእግል ህዳይ ትትሐሬ ወለት ህይ አወል እብ እም ሕጻን ትትጸ።

መትፈራቅ እዘን እት ብዙሕ መጀመሪያ እሻረት ግርመት ቲ። አዋልድ አንካ እዘን እንዴ ፈርቀየ እብ ሓጃት ኩቡብ አስክ ፎቃየን ለአበጽሓህ። ዲብ ግብለት ፔሩ ለልትረከብ አዋልድ ህይ አንፈን እብ ፍርቀት ምን ደሀብ ወፍደት መልክህ። ሐቆ ህዳየን ህይ እግል ናይ እዘን ሰርጎ

ደረጃት ተጃረት ብእሰን እግል ሸርሐት ክብድ ለቤል ሰርጎ ደሀብ ወጭለ እተ። እት ጀዘረት ጃዋ ህይ አዋልድ እት ምፍራቅ አንፈን ምን ፍደት ለትሸቀ ሰናቲም እብ አተዋት ለፍይሐት ምጥራቅ አንፍ ለትመልክ አንሳይት ለገረመት ትትብህል።

ፋሪ እንታተ እት ለትፈናተ መጀመሪያ ክም ግርም ትትአመር። እት ማየ ላኪን ዕንታተን ሕውሬር ዝያድ ለትፈተየ። አዋልድ እሊ ቀብሊት ህይ፡ ሐወርር እግል ልግበእ ምን ረኣሰን አስክ አገረን ለትአሰረ ግድ ገንሐ ልውዕሉ። ሸብ ቀብሊት ባሊ ህይ ፡ ወለት 15 ሰነት ክም ጉብኣት ካፍፍረ ልትፈረቅ ወሰምፍራቅ እግል ቲፈሕ ዕጫይ ክርቢት ወዱ እተ።እት ቅብሊት ጫድ ላኪን እግል ተሓቲት ከንፈረ እንዴ ፈርቀው ግድ ለአሰር እተ። እት ባምባይ ለልትብህል ደዋይሕ አፍራቱ እት ክልኢቶም አጥራፍ ከፍፍረ እንዴ ትፈረቀየ፡ ዶል ትሰሐቅ ወትሃይ ለልትርኢ ናኣይሸ ዕጫይ ክርቢት ልሳቀቅ እተ። ማይ ትግበእ ለግርመት እትጋቦን ወ ሞዛምቢክ ክልኤ አንያብ ጀሃሪ ልሰበረ። ዳሆሚን ለልትብህሎ ህንድዩን ላኪን እብ መብረድ እግል አንያቦም ለአበልሐ። እት ማዳጋስካር ለልትረከብ ቀባይል ህይ፡ እት ምግብ አት ምግብ አንያቦም መጣርቅ እብ ውድየት እበን አው ሐጺን ለኣቱ እተ። አንያብ ጸዳዲ ክም ግርመት ወነዳፊት ለልትሐሰብ ምንመቱ እት ድሃዕ ምፍጋር-ጸሓይ ታይላንድ ለኑብሮ ቀባይል፡ ላኪን ክም እሻረት ቅል ወሰዐለገት ሰበት ልትሐሰቱ አዋልደ ደዋይሕ እግል አንያቦን እብ ሕብር ቀይሕ አው ጸሊም ሰብቃህ። አሮትክ ናይ ገርም እተ!!

ህኑድ ወልባሶም

ገሌ ምነ ሸብ ህንድ ፍንቱይ ለለኣትአብሉ ጋር፡ እት ናይ ዓዳት ልባሶም ለምቱ ወትኣያስ ወሻምቱ። እብ ፍንቱይ አንሳት ህንድ እተ ለእለ ጌሶየ ደውለት ፡ ሓለት ጀው እበ ኢክሰስ ፡ ለዕላመተን ላቱ “ሳሪ” ለልትብህል ልባስ ዓዳተን ለብሱ።

ናይ ለመድ ልባስ ህኑድ ለትፈናተ እብ ሓባር ለትነቀሸ ቲ። ወራር ዓዳት ወለድ ለአምጸዩ ልባስ ዘመን እት መዳይኖም ለብሶ ምንማቶም፡ እት በር ልግበእ ወምድን ናይ ዓዳቶም ልባስ ልብሰት ክም ብዕዳም ሸብ ትም እሻረት መደንጋር ኢልትርኤ።

ናይ ለመድ ልባስ ህኑድ ምስል አድያኖም ፡ ዓዳቶም ወሓለት ጀዎም መትጸባዋ በ። ለትፈናተ ልባስ ውላድ ወአዋልድ ህንድ ፡ ክም ሳሪ፡ ሸልዋር፡ ቀሚሽ፡ ጋግራቸሌ ህይ ልሙዳምቶም።

ሳሪ መጀብ እት ህንድ እብ ተማመ ለልትለበስ ልባስ ዐዳት አንሳት። ለኢትኪያጠ ጉብኣ እት ሀሌ፡ ክምስል ጠለብ ጤልበቱ ወደረጀት ተጃረት ቲልበ ቲ። ምን

4-12 ምትር ቲ። ምን ሐሪር አው ዓዲ ሸልቱት ልዓሌ። ሳሪ እምበል እት ህንድ፡ እት ከለ ባንግላዲሽ፡ ኔፓል፡ ሲሪላንካ ወማላኸያ ልትነፍያ እቡ።

ገብይ ወአሰሉብ ልብሰት እሊ ልባስ ህይ እብ”ቢንዲ” ለልትብህል ለመድ ልትቀየድ። እሊ ህይ ለልትማሰል ወኢልትማሰል እት ለፈናተ ናይ ዲን ወለመድ መናሰባት ወዐያድ እበ ወድያሁ ገብይ ልውየት ሳሪ ምን ዘበ እት ዘበ ልትፈናቱ። እግል መሰል እት ምፍጋር-ጸሓይ እብ “ስምብልበሪ” ለልትአመር፡ እት ግብለት “ካንቺቡራም”፡ እት ምውዳቅ-ጸሓይ ”ፓይትኒ”፡ እት ቅብለት ህይ፡ “ፒናርሲ” ልትብህል።

እማት ወ አዋልድ ህንድ፡ “ጋግራ” ለልትብህል፡ ምን ሕምብራህን ወተሐት ክም እስኬርት ረያም ለትከረ፡ ወክም ብሉዘት ህይ ሐጨር እደዩ ሳሪ አው “ቺሌ” ለልትብህል ምሉእ ሳሪ ለብሱ። ተሓት ዕምር ላተን አንሳት ህይ፡ “ላንጋ ቺሌ” ለልትብህልምን ሰለስ ክፋል ለትሸቀ ሰር- ሳሪ

ለብሱ። ለመረ ነኣይሸ አዋልድ ህይ፡ “ባራዳ” ለልትብህል ምሉእ ልባስ ለብሱ።

ውላድ ተብበን ህንድ ህይ፡ “ሳልዋር” ለልትብህል ላብሱ። “ሳልዋር” ኖሱ አርበዕ ክፋል ቡ ክም ከለ ጆራዳር፡ ደባታ ከርታ፡ ማንዳም ነይራቱም ወ ቺራዳር ለልትብህሎ ዐይነት ሰረውን ለብሱ።



ምን ዳያሪ

አሳሪ

ዮም፡ ሳዐት ለአዜ ህሌኮ እተ ሰነትመ ክምሰልህ። መዕሌሽ የጀማዐ እለ ህግየ ኣነ ወዳያሪዬ ሌጠእ እንፍህመ።ቀደም እት አግደ ጽበዋ ዳያሪዬ ሐልፍ ላኪን ምሽዊቹ እግል አስእለኩም ዕን ክረው። ኣነ ወዳያሪዬ ምን ንዳመል ክልኣት ሸሀር ዋድያም ህሌነ። ለበኣሰነ ህይ ቅንኢቱ። ኣነ ምን ዳየሪዬ ወኪን ብዕድ በዐል ምስጢር አለብዬ፡ አዜመ እሊ ምስጢር ለእግሉ ሀይበኩም ህሌኮ፡ ቀደምኩም ዳያሪዬ ክም ተአምሩ እት ገበዬ እግል አስእለኩም እፈቱ። እበ ገብኣት ደያሪዬ ቀንኣት፡ ለኢያም እሊእከትብ እተ ሰበት ይዐልኮ ምነ ወኪን ብዕድ በዐል ምስጢር ክም ወዴኮ ሸኬተኒ። ሰብብ ኢከቲብዬ ምንመ አፍህምኩህ አሚንዬ አቤት። እበ ገብኣት እንቱም ወህተ ምስል ሰምዑኒ ሰበት ህሌኩም፡ ኣነ ለክልኤ ወርሕ እሊ፡ ለልትከተብ ሰበት ሐገልኮቱ ለኢከተብኮ እተ። ክእነ እብል እት ህሌኮ፡ ለልትከተብ እግል ይእርከብ ልወዴተኒመ ህታተ። እግልሚ ትበው? እግልሚ ልብል ላብብ፡ ለሰብ ሚቱ መሰለኩም? ኣነ በዲር ለገብኣ ሓጀት ከብድ እትቼ ሰበት ዐለትቱ ለአስክ ዳያሪዬ እስዔ እበ ዐልኮ። ምስል ዘበን ላኪን ኣለ ዳያሪዬ እት እቀርእ፡ ለእት ወቅቱ ክቡድ መሰለኒ ለዐለ ሓጃት መረ ቀሊል ወመፍትሐ ዲብ እዳዬ ክም ዐለ ለአርኤተኒ እለ መሻጢርዬ ሓቅፈት ለህሌት ኣምዕላይ ሰጅልዬተ። ዶል-ዶል ተብዐታይመ እወድዮ፡ ደሐን ኢትትፈከር ኣነ ወህተ ፋህማም ሰበት ሐነ። ዳያሪዬ ላኪን አስክ አስዜ እግል ትፈሀመኒ ወምን ሸክ እግል ትያግን ሰበት ኢቀድረት ዮመ አሰረ ለሰሚክዉ አርእስ እግል ሕናጽጽ ዲበቱ። ጂዲደት አንዴ ረከብኮ ኢኮን ላሚን ሚ እግል ኢዴ በደል እግል/ሉ እከሰር እግል እክተብቱ። የጀማዐ ሐርቅ ሕሌኮ፡ ላዝምቱ አዩ ምስጢርክ እግል ደያሪክ እግል ተአስእሉ? እሊ ዐድል ኢትን ።እበ ገብኣት “ምን አጅል መገን፡ ዐንጻይ ትሕለፍ” ልብሎ ትግርንየ። ኣነመ “ምን አጅል ዕለቀትቼ ወዕላቀት ደያሪዬ ለትበርበር ምስጢርዬ” ላኪን ምን-አመረ ኣነ ወዳያሪዬ ዑርያም ለይህሌነ ኢልምሰለኩም ሰበት ተዓራነቱ ለበኣሰነ አስእለኩም ህሌኮ።

አፍ! እተ ወጀዕዬ እግል እቲ። ሲሲ ለትትብህል ፈታይት ክም ዐለት እግልዬ አወል ዳያሪዬ ወአሰረ እንቱም ክም ተአምሮ ሸክ አለብዬ ። እግልሚ ሸክ እምበል ዲብ ዕሰክርየት ሰበት ኢነፍዕ። ሲሲ እፍትየ ወትፈቱኒ ላኪን ሻምነ እግል ኢነአዳውር ሪም ምድር ከርዒነ ። አሳር ሲሲ ዲብ አፍካርዬ፡ ልብዬ ወቤቼ ሀሌ። ዝክርያተ ዶል-ዶል ሰድፈት ለአበኪኒ ወዶል-ዶልመ ለአስሕቀኒ። ማሌ ላኪን ምነ አሳሪ ሐቱ ሐጃት አሰሐቀተኒ። ሲሲ ክም ሀድየት ለሀበተኒቱ ደሀባይ ቀለምቱ። ህተ ኬትባይ ሰበት እንተ አንዴ ትቤ ቀለም ሀበተኒ ወኣነመ እብ ሕሳበ ሰኒ ትረይሐኮ ። ክሉ ሲሲ ለተሀይበኒቱ ሀድያት እት ፍንቲት ኣካን እክርዩ ምንመ ዐልኮ፡ እሊ ቀለም ለኪን፡ ናይ - ፍንቲት ኣካን ዲበ ካርዩ ዐልኮ። እምበልሁመ ቀለም ክም ስልሐዬ ሰበት ሐሰቡ ምንለዐል ክሉ እትሕሰር እቲ። ማሌ እት ቤቼ ሰድፈት ሸዕር መጽተኒ። ክም አዩጂ ህይ እግል እክተበ አስክ አላት ክታበትቼ ለእከሬ ዲበ ጣውለት አሳደርኮ። ጣውለትቼ ላኪን ቀለም ትሰኣነ ዲበ። እተ ወቅት ለሀይ ቀለም ለቀለ እዴ ገብኣ ትርኤኒ ። ምን በዲርዬ ሐቆ እትወረዋ አስክ ሀድየት ወስወር ሲሲ ለኣክብ እቱ ደርጅ እገይሱ፡ ሰበት እሊ አስክ ደርጅ እግል ኢጊስ ላዝም ዐለ። ጊስኮ ቀለም ላኪን ኢትረከበ ። እት ኣክር ለነየ ሀድየት ቀለም ሰበት ፈቀድኮ አስኩ ጊስኮ። ላኪን ንየትቼ ኢተመት እግልዬ፡ ቀለምዬ ምን ክታበት ብዙሕ ሰበት ጸንሐ ደዋቱ ክልኣየ። ለገብኣ ይዐለ ለሸዕር ላዝም እግል እክተበ ሰበት ዐለት እዬ ቤቼ ክሉኣ ፈነጥር ወዴክወ። እት ኣክር ላኪን ርሳስ ለመሰል ላኪን ርሳስ ለኢጉብኣ ትረከበ። አብሩ ጸሊም ዳምቅቱ። ሸዕር ትከተበት። ለለኣትፈክር ላኪን ለርሳስ ናይ ክታበት ለኢጉብኣ ናይ መትጋረሚ አንሳት፡ በሀለት ደላል ዕንታት ወሐወጅብ ሲሲ ዐለ። ለለኣትፈክር ለሸዐር እብ ግርመት ዕንታት ዐለት። አምዕል እብ ተማማ እትሊ አሰር ሲሲ ላቱ እትሰሐቅ ወዐልኮ።

Mofo

“ለልትብህል ክም ሰኣነቱ ህግየ ለነኣበዝሕ” ኣንድሪ ቺኒ
“ኣነ ለለኣዝህጃኒ ነፈር፡ እግል ልትሃጌ ሌጠ ለለሐዜ ቱ” ሾልተር
“ሕምቅናዩ ለልክህል ወላህ ሸቃላዬመ ል ግ በ እ መምባዩቱ” ጉታ
“ ለአምኑ ክልብዬ ምስል ሲርቀት እንዴ ት ሳ ደ ዘምተኒ እት ሀለ፡ ምን እሊ ለለዐቤ ጥልም አለቡ “ኣልራፊዒ”